

摘藻堂四庫全書薈要

集部

欽定四庫全書薈要

集部

御選唐詩卷二

詳校官原任主事_臣李斯咏

欽定四庫全書薈要卷一萬九千二百三十二

集部

御選唐詩卷一

五言古

唐太宗皇帝

帝姓李氏諱世民神堯次子初建秦邸即開文學館既即位殿左置弘文館悉

引內學士番宿更休聽朝之間則與討論典籍雜以文詠詩筆草隸卓越前古至於天文秀發沈麗高朗有唐三百年風雅之盛帝實有以啓之焉

帝京篇

秦川雄帝宅

三秦記長安正南秦嶺嶺根水流為秦川一名樊川魏明帝詩出身秦川爰居伊洛

尉繚子天
子宅千畝
函谷壯皇居

一統志函谷舊關在靈寶縣南
一十里老聃西度田文東出皆

此關函谷新關在新安縣東二里項羽坑秦降卒處漢
樓船將軍楊僕恥為關外人上書乞以家財東徙關武

帝為移
於此
綺殿千尋起

江總樂府綺殿文雅道玳筵歡趣
密周禮疏八尺曰尋梁書朱异傳

金山萬丈緣陟未登
玉海千尋窺睨不測

離宮百雉餘

漢書枚乘傳修治上
林雜以離宮班固西

都賦離宮別館三十六所周禮注長三丈高一丈曰雉
左傳都城過百雉公羊傳注天子之城千雉高七雉公

侯百雉
高五雉

連甍遙接漢

張衡西京賦鳳鸞翥於甍標注甍
棟也左思蜀都賦比屋連甍千廡

萬室詩維天有漢監亦有光
揚泉物理論漢者水之精氣

飛觀迥凌虛

曹植詩飛觀
百餘尺臨牖

御檣軒隋書食貨志
咸疎飛觀頽廢塞川

雲日隱層闕

釋名闕在門兩旁中
央闕然為道也梁簡

文帝詩帝京風雨

風煙出綺䟽

張衡西京賦交綺豁以
䟽寮注䟽刻穿之也交

結綺文豁然穿以為寮也寮小窓也後漢書梁冀傳窓

牖皆綺䟽青瑣陸雲登臺賦綺䟽列於東序朱戶立於
西廂

二

巖廊罷機務

漢書董仲舒傳蓋聞虞舜之時遊於巖廊
之上垂拱無為而天下太平注巖廊殿下

小屋也南史梁元帝紀雖戎畧殷湊機務繁多
軍書羽檄文章詔詰點毫便就殆不虛手

崇文聊駐

輦

北史儒林傳序內有崇文之館外重
成均之職廣韻駐止也輦人步挽車

玉匣啓龍圖

南史

齊高帝紀披金繩而握金鏡開玉匣而總地維竹書紀
年龍圖出河龜書出洛赤文篆字以授軒轅南齊書高

帝紀鳳書表肆類之

金繩披鳳篆

後漢書祭祀志以金繩徐陵玉臺新詠

序麗以金繩裝之寶軸古今篆隸文體鳳篆

韋編斷仍

續

史記孔子世家孔子晚而喜易序彖繫象說卦文言讀易韋編三絕

縹帙舒還卷

梁昭明太

子文選序詞人才子則名溢於縹囊飛

對此乃淹留

戰國

策莊辛謂楚王曰臣請

歌案觀墳典

劉孝綽昭明太子集序臨書幌而不

休對歌案而忘怠左傳左史倚相趨過王曰是能讀三墳五典八索九丘注三墳五典三皇五帝之書也魏文

帝谷北海王詔王精

研墳典耽味道真

移步出詞林

梁昭明太子答晉安王啓
散核文史漁獵詞林

傳輿欣武宴

庾信華林

圍馬射賦將軍

戎服來參武宴
琬弓寫明月

詩敦弓既堅釋文敦音雕
畫弓也案琬與雕同庾信

華林園馬射賦弓如明

月對棚馬似浮雲向埒
駿馬疑流電

拾遺記穆王八駿
戰國策呂不韋說

陽泉君曰君之駿馬盈外廐庾信謝

滕王賁馬啓流電爭光浮雲連影
驚雁落虛弦

戰國策更

羸謂魏王曰臣為王引弓虛發而下鳥

有間雁從東方來更羸以虛發而下之
啼猿悲急箭

呂氏

春秋荆王有白猿王自射之則搏矢而熙
使養由基射之始調弓矯矢據擁樹而號

閱賞誠多美

於茲乃忘倦

四

鳴茄臨樂館

廣韻茄蕭捲蘆葉吹之也樂書似感栗而無孔後世因薄用之魏文帝與吳質書從

者鳴茄以啓路文學托乘於後車庾信奉和山池詩鳴茄臨絕浪飛蓋歷通渠漢書武帝紀元封六年夏京師

民觀角觝於上林平樂館張衡西京賦大駕幸乎平樂之館張甲乙而罷翠被

眺聽歡芳節

纂要

春節曰

急管韻朱弦

鮑照白紵歌古稱淶水今白紵催弦急管為君舞吳均與柳惲贈答

芳節

詩聞君吹急管相思雜采蓮禮記清廟之瑟朱弦而疏越一倡而三嘆侯瑾箏賦朱弦微而慷慨江總詩風亭

翠旆開雲

清歌凝白雪

張衡賦雙材悲於不納兮並詠詩而清歌宋玉對楚王問其為

殿朱弦響

陽春白雪國中屬

彩鳳肅來儀

書蕭韶九成鳳凰來儀謝朓樂府彩鳳鳴朝陽

而和者數十人

薛道衡詩盤龍隨鏡隱彩鳳逐帷低

玄鶴紛成列

史記樂書師曠援琴而鼓之一奏有玄鶴二八

集乎廊門再奏之延頸而鳴舒翼而舞陳琳詩玄鶴浮清泉綺樹煥青猊

去茲鄭衛聲

論語放鄭

聲禮記鄭音好濫淫志衛音趨數煩志

雅音方可悅

孫綽頌雅音永寂而心存高範

五

芳辰追逸趣

梁元帝纂要春辰曰芳辰江總詩上巳娛春禊芳辰喜月離

禁苑信多

奇

風俗通苑蘊也言新蒸所蘊積也周禮注疏古謂之圓漢謂之苑漢書省禁苑以予民西都賦西郊則有

上園禁苑林麓藪澤西京賦上林禁苑跨谷彌阜庾信吹臺山銘禁苑斜通春人常聚

橋形通漢

上

詩維天有漢監亦有光又倬彼雲漢為章於天楊泉物理論星者元氣之英漢者水之精氣發而升精華

浮上宛轉隨流名曰天漢一統志秦始皇作離宮於渭南北渭水貫都以象天漢橫橋南渡以法牽牛徐陵長

安道樂府橫橋象天漢
庾信詩橋橫天漢分

峯勢接雲危煙霞交隱暎花鳥

自參差何如肆轍跡

左傳昔穆王欲肆其心周行天下將皆必有車轍馬跡焉老子善行

無轍跡酒德頌行無轍跡止無室廬楮白馬賦跨中州之轍跡窮神化之軌躅庾肩吾詩轍迹光周頌巡遊盛

功萬里賞瑤池

穆天子傳觴西王母於瑤池之上神仙傳崑崙閬苑有玉樓十二立臺九層

左瑤池右翠水梁昭明太子詩唐遊薄汾水周載集瑤池

六

飛蓋去芳園

西京賦注華蓋星覆北斗天子法而作蓋劉峻與宋玉山元思書驅馬金張之館飛

蓋許史之廬漢書注許伯宣帝皇后父史高皇帝外家也金金日碑也張張安世也許氏史氏有外屬之恩金

氏張氏自托在於近狎也曹植詩清夜遊西園飛蓋相
追隨庾肩吾詩閣影臨飛蓋鶯鳴入洞簫傳休奕瓜賦

選美芳園蘭橈遊翠渚楚詞注橈船小楫也梁簡文帝
采蓮曲桂棹蘭橈浮碧水江花

玉面兩相似庾信詩錦纜回沙磧蘭橈避荻洲釋名萍
小洲曰渚渚遮也江總詩翠渚還鑾輅瑤池命羽觴

間日影亂荷處香風舉桂楫滿中川釋名楫捷也與柁
通楚詞桂棹兮蘭

柁張纘賦忽中川而反顧懷舊鄉而延佇謝靈運詩亂
流趨孤嶼孤嶼媚中川張正見詩芳蘭夾兩岸野燎燭

中弦歌振長嶼禮記弦歌詩誦論衡太平之世唐虞之
時政得民安絃歌鼓舞比屋而有庠信

賦見鼎鐘於金張聞弦歌於許史說文嶼島也在水為
島在陸為嶼沈約賦結榜窮渚思臨長嶼梁簡文帝詩

絕嶺隔天餘長嶼橫江半何遜
詩鏡吹響清江懸旗出長嶼
豈必汾河曲水經汾水
出太原汾

陽縣管涔山漢武帝故事帝行幸河東祠后土顧視帝
京欣然中流作秋風辭泛樓船兮濟汾河橫中流兮揚
素波晉書輿服志橫汾河而祠后土登甘泉
而祭昊天庾信詩定土汾河上戈船聊試遊
方為歡宴
所晉書王羲之傳欲與親知時共歡宴南史何戢傳齊
高帝為領軍與戢來往申歡宴梁江總詩柏梁奉歡
宴荀濟詩風
月接歡宴

七

落日雙闕昏

曹植銅爵臺賦建高門之嵯峨兮浮雙闕
於太清晉書張軌傳軌大城姑臧初漢末

博士侯瑾謂其門人曰後城西泉水當竭有雙闕起其
上中有霸者出焉至魏嘉平中郡官果起學館築雙闕
於泉上至是張氏遂霸西河古詩兩宮遙相望雙闕百
餘尺孫綽遊天台山賦雙闕雲竦以夾路瓊臺中天而

懸廻輿九重暮

孔叢子趙簡子使聘夫子夫子將至及河聞鳴犢賓犢之見殺也廻輿而旋庾

信詩三元隨建節八景逐廻輿宋玉九辯豈不鬱陶而思君兮君之門以九重注天子有九門謂闕門遠郊門近郊門城門皋門庫門雉門應門路門也庾信詩自布南風曲還來吹九重

長煙散初碧

郭璞

遊仙詩升降隨長

皎月澄輕素

詩月出皎兮張協七命稟氣靈淵受精皎月後

趙錄石虎大起宮殿層甍疊宇飛檐拂雲圖以丹青色以輕素沈約詩夕陰帶層阜長烟引輕素

褰幌

翫琴書

廣韻幌帷幔也劉歆遂初賦玩琴書以條暢何劭贈張華詩私願偕華髮道遙綜琴書

開

軒引雲霧

張協七命望玉繩而結極承倒景而開軒阮籍詩開軒臨四野登高望所思列子虹蜺也

雲霧也風雨也四時也此積氣之成乎天者也木華海賦漉滴滲淫蒼蔚雲霧謝靈運詩定山緬雲霧赤亭無

淹斜漢耿層閣

謝莊月賦於時斜漢左界北陸南躔謝朓詩玉繩隱高樹斜漢耿層臺鮑照詩

層閣肅天居馳道直如髮沈約詩送日隱層閣引月入輕幃

清風搖玉樹

詩吉甫作誦穆如清

風淮南子崑崙上有玉樹珠樹璇樹漢武故事上起神屋前庭植玉樹珊瑚為枝碧玉為葉庾信啓甘泉宮裏玉樹一叢

八

歡樂難再逢芳辰良可惜

梁元帝纂要春辰曰芳辰江總詩上巳娛春禊芳辰喜月

離

玉酒汎雲壘

十洲記瀛洲有玉膏如酒名曰玉酒飲杯輒醉令人長生古樂府金丹欲成猶

百鍊玉酒新熟幾千年江總瑪瑙盃賦寶出崑崙之仙阜觴即玄洲之玉酒詩酌彼金壘注壘酒器刻以雲雷

之象以黃金飾之周禮注山罍刻而畫之為山雲之形度信華林園馬射賦熊耳刻杯飛雲畫罍

蘭肴

陳綺席

荀禮論椒蘭芬苾所以養鼻也習鑿齒文芳芬起於椒蘭邊讓章華臺賦蘭肴山竦椒酒淵流

注蘭肴謂芳若蘭也嵇康琴賦蘭肴魚御旨酒清醇鄒陽酒賦綃綺為席犀璠為鎮沈君攸詩絲繩玉壺傳綺

席秦箏趙瑟響高堂千鍾合堯禹孔叢子平原君與子高飲強子

子百觚子路嗑嗑尚飲十榼古之聖賢無不能飲也戰國策昔帝女儀狄作酒而美進之於禹禹飲而甘之遂

疏儀狄百獸諧金石書八音克諧無相奪倫又夔曰於予擊石拊石百獸率舞庶尹允諧禮記

金石絲竹樂之器也得志重寸陰晉書陶侃傳侃常語人曰大禹聖者乃惜寸陰至於衆人當惜

分忘懷輕尺壁淮南子聖人不貴尺之璧而貴寸之陰帝王世紀禹不重徑寸之璧而愛日之

寸陰潘尼祭禹廟文
物貴尺璧我懷寸陰

九

建章歡賞夕

漢書武帝紀太初元年起建章宮

二八盡妖妍

左傳晉悼公賜魏絳

女樂二八歌鐘二肆宋玉楚辭二

八齊容起鄭舞此注二八二列也

羅綺昭陽殿

左思魏都賦錦

繡裏邑羅綺朝歌漢書趙后傳后弟昭

儀居昭陽舍其中庭彤朱殿上髹漆

芬芳玳瑁筵

酉

雜俎後梁韋琳為鮑表

珮移星正動

禮記凡帶必有佩廣韻珮玉之帶珮

曰遠廁玳筵猥頒象筋

同表淑桐賦被藉兮

扇掩月初圓

古今注舜作五明扇班婕妤詩裁成合歡

烟霞懷佩兮呈虹

扇團團

無勞上玄圃

穆天子傳泰山之澤清水出泉溫

似明月

和無風所謂玄圃水經注崑崙之

山三級下曰樊桐二
曰玄圃上曰增城

即此是神仙

漢書郊祀志燕齊方士言有神仙祭祀致

福之術者
以萬數

於北平作

漢書地理志右北平郡秦置屬幽州一統志永平府秦遼西右北平二郡

地

翠野駐戎軒

江總文曳蛇旗之舒卷間翠野之參差後漢書朱祐等傳贊有來羣后捷戎軒曹

植陳審舉表豹尾

盧龍轉征旆

魏志武帝紀田疇為鄉導引軍出盧龍塞元和

已建戎軒駕

郡縣志平州有盧龍鎮山如龍形其土色黑釋名云土黑曰盧盧然解散也廣韻繫旄曰旆

遙山麗

如綺

魏文帝善哉行感心動耳綺麗難忘

長流縈似帶

張衡歸田賦仰飛織繳俯釣長流曹

植詩樹木發春華清池激長流漢書功臣表封爵之誓
曰使黃河如帶泰山若厲國以永存爰及苗裔庾闡詩

悠想盼長川

海氣百重樓

史記天官書海旁蜃氣象樓臺漢書武帝紀元封五年詔

輕瀾渺如帶

日朕巡荆揚輯江淮物

巖松千丈蓋

袁宏詩森森千丈松磊砢非一節抱

會大海氣以合泰山

朴子天陵偃蓋之松玉策記千歲松樹枝葉
四邊披起上杪不長望而視之有如偃蓋

茲焉可遊

賞何必襄城外

莊子黃帝將見大隗乎具茨之山方明
為御昌寓驂乘張若謂朋前馬昆闌滑

稽後車至於襄城之野

七聖皆迷無所問途

幸武功慶善宮賦

元和志武功漢舊縣古有郇國堯封后稷之地在渭水南

今鄠縣地是也案舊縣境有武功山武功水
是則縣本以山水立名也唐書地理志武功

南十八里有慶善宮臨渭水武德元年高祖以舊第置宮又禮樂志太宗生於武功之慶善宮貞觀六年幸之宴從臣賞賜閭里同漢沛宛

壽丘惟舊跡

史記五帝紀舜作什器於壽丘注在魯東門之北黃帝生處宋書符瑞志黃帝軒轅

氏母曰附寶見大電光繞斗樞星照郊野感而孕二十五月而生黃帝於壽丘陸倕文姬水壽丘載紀山川之目丹陵負夏僅傳鄉黨之名豐邑乃前基詩既伐于崇作邑于豐史記豐邑注豐在京兆鄠縣

東
粵子承累聖懸弧亦在茲

禮記男子生則設弧於門左庾信詩蘭芬猶載寢蓬

箭始懸弧素據雜詩士生則懸弧有志在四方

弱齡逢運改

魏書彭城王勰傳挺德弱齡誕質至

孝梁武帝贈臨川王宏詔爰初弱齡行彰素履逮於應務嘉猷載緝後漢書荀彧傳功申運改迹疑心一提

劍鬱匡時

史記高祖紀吾從布衣提三尺劍取天下晉書樂志高祖提劍案中削平天下又樂歌匡

時極俗休

指揮八荒定

抱朴子儀蕭曾之指揮史記秦始皇紀秦孝公以來有席卷天

功蓋世

天下包舉宇內囊括四海之意并吞八荒之心注八荒八方荒忽極遠之地說苑八荒之內有四海四海之內

有九州天子處中州而制八荒耳揚雄甘

泉賦天閭決兮地垠開八荒協兮萬國諧懷柔萬國夷

詩懷柔百神及河喬嶽張衡東京賦道胡不懷化胡不

柔顏延之詩德禮既普洽川嶽徧懷柔易首出庶物萬

國咸寧左傳禹會諸侯於塗山執

玉帛而朝者萬國說文夷平也梯山盛入款

韓非子韓昭王

令工施鈎梯上華山隋書音樂志棧壑忘阻梯山匪負

後漢書光武紀光武二十四年匈奴莫韃日逐王比遣

使款五原塞南史梁武帝

駕海亦來思

韓詩外傳成王時有越裳氏重

紀殊俗百蠻重譯獻款

三譯而朝曰吾受命國之黃髮曰久矣天之不迅風海之不波溢也三年於茲矣意者中國有聖人乎盍往朝之

顏延之曲水詩序棧山航海踰沙軼漠之貢府無虛月庾信華林園馬射賦雕題鑿齒識海水而來王單

于陪武帳

史記匈奴單于注單于廣大之貌言其象天單于然漢書汲黯傳上嘗坐武帳黯前奏事

上不冠望見黯避帳中使人可其奏晉書天文志北落西南一星曰天綱主武帳庾信賦待戎韜於武帳聽雅

曲於日逐衛文螭

漢書宣帝紀匈奴日逐王先賢揮將人衆萬餘來降晉書匈奴傳呼延氏

最貴則有左日逐右日逐世為輔相王褒四子講德論日逐舉國而歸德王鑒七夕詩六龍奮瑤轡文螭輔瓊

車端宸朝四岳

儀禮注床如綈素屏風畫斧文以示威亦天子所居也沈約詩憑玉宅海端宸

御天書四岳注四岳官名一人而總四岳諸侯之事也

無為任百司

禮記王中心無為也以守

至正老子我無為而物自化書百司庶府沈
約為梁武帝與謝朓勅自居元首臨對百司
霜節明秋

景

陶潛送客詩爰以履霜節登高饒將歸謝
惠連離合詩嘯歌亦何適肅爾凌霜節

輕冰結水

涓

爾雅水草交曰涓詩所謂伊人在水之涓釋名涓眉
也如目臨眉也王粲詩列車息衆駕相伴綠水涓

芸黃遍原隰

詩裳裳者華芸其黃矣傳芸黃草色也沈
約詩寒戾野風急芸黃秋草腓爾雅高平

曰原下濕曰隰詩皇皇者華于彼原
隰班固西都賦溝塍刻鏤原隰龍鱗

禾穎積京坻

說文

穀也以二月而種八月始熟得時之中故謂之禾詩實
穎實粟注穎垂穎也禾穗謂之穎詩曾孫之庾如坻如
京注坻水中之高地也京高丘也
共樂還鄉宴歡此大

粟庾之多高大如渚坻如丘京也

風詩

史記高祖紀高祖還歸過沛置酒沛宮酒酣作歌
曰大風起兮雲飛揚文中子大風安不忘危其霸

心之
存乎

經破薛舉戰地

舊唐書太宗紀薛舉以勁卒十萬來逼渭濱太宗親擊之破其

衆畧地至
於隴坻

昔年懷壯氣提戈初仗節

曲禮疏戈如戟而橫淮南子陽貨赴闡而逐揚劍提戈而

走梁元帝告四方檄中權後勁襲行天罰提戈蒙險隕越以之玉篇節竹約也唐書車服志大將出賜旌以額賞節以額殺節垂畫木盤三相去數寸隅垂赤麻心隨朗日高

陸機賦熙朗日以燭耀扇和風

其如波謝靈運賦潛

志與秋霜潔

淮南子寶劍之色如秋霜後漢書孔融傳

夜隱輝幽境朗日

懔懔焉皓皓焉其與

移鋒驚電起

桓範簡騎論夫錡者軍之鋒銳也往如電

琨玉秋霜比質可也

發去如風過傳休矣
正都賦馬如激電

轉戰長河決

後漢書溝洫志河決而桃花水羨溢梁武帝

紀擁數州之兵以誅羣
豎懸河注火奚有不滅

營碎落星沈

應瑒賦投璧玉而沈星楊素詩兵寢

星芒落陣卷橫雲裂

庾信謝滕王閣集序啓雄才蓋代逸氣橫雲王褒詩平雲如陣色楊素詩

雲橫虎落陣

一揮氛沴靜

廣韻氛祥氣也玉篇相傷謂之沴又水不利也

再舉鯨鯢

滅

左傳古者明王伐不敬取其鯨鯢而封之以為大戮於是乎有京觀左思吳都賦長鯨吞航修鯢吐浪

於茲撫舊原

爾雅廣平曰原

屬目駐華軒

白虎通諸侯路車大夫軒車十六國春秋

德非管仲不足華軒堂阜智非孔明豈足三
顧草廬陶潛詩草廬寄窮巷甘以辭華軒

沈沙無故

跡

史記淮陰侯傳信與龍且夾濰水陳夜令人為萬餘囊滿盛沙壅水上流龍且遂迫渡水信使人決壅囊

水大至
即擊之
減竈有殘痕

史記孫子傳魏趙攻韓齊救之孫子使軍入魏地為十萬竈明日為

五萬竈又明日為二萬竈龐涓大喜
倍日并行逐之暮至馬陵盡破涓軍

浪霞穿水淨

湘中記湘

水至清雖深五六丈見底了了然白沙如霜雪赤岸如朝霞謝朓詩川霞旦上薄山光晚餘照梁簡文帝詩乍

如落霞發頗似巫雲登

峯霧拖蓮昏

後漢書張楷傳楷字公超隱居弘農山所居成市後華陰

山南遂有公超市能為五里霧孔德紹經華山詩山昏五里霧日落二華陰踈峯起蓮葉危塞隱桃林華山記

山頂有池生千葉蓮華服之羽化因名華山

世途亟流易

潘岳詩荏苒冬春謝寒暑忽流易

人事殊今昔長想眺前蹤

梁簡文帝詩終夜慕前蹤

撫躬聊自適

屈原

離騷心猶豫而狐疑兮欲自適而不可漢書高鳳傳潛心篤行以漁釣自適晉書張翰傳任心自適不求當世

初晴落景

晚霞聊自怡

盧思道詩晚霞浮極浦落景照長亭
陶弘景詩只可自怡悅不堪持贈君

初晴

彌可喜日晃百花色

劉孝威謝東宮賜淨饌啓千品甘露之食百花珍藥之果庾信擯柳

詩綠房千子熟
紫穗百花開

風動千林翠

南史齊宗室子顯傳風動
春朝月明秋夜潘岳蓮花

賦惠風動春氣和
盼清池玩蓮花

池魚躍不同

呂氏春秋宋桓司馬有
寶珠抵罪出亡王使人

問珠之所在曰投之池中於是竭池而求之無得魚彈
馬裴子野游華林園賦譬籠鳥與池魚本山川而有思

園鳥聲還異

鮑照樂府春山茂春
日行園中鳥多巧聲

寄言博通者

琴賦序
吟詠之

不足寄言以廣意後漢書崔琦少遊學京師以
文章博通稱南史劉勰篤志好學博通經論

知予物

外意

梁簡文帝神山寺碑
幾圖上聖智周物外

中宗皇帝

帝諱顯高宗第七子始封周王徙封英王
改名哲永隆元年立為皇太子及即位太

后臨朝廢為廬陵王神龍元年復辟
在位六年諡曰孝和集四十卷失傳

九月九日幸臨渭亭登高

并序 全唐詩話景
龍三年九月九日幸

臨渭亭與羣臣賦詩續齊諧記汝南桓景隨
費長房遊學長房謂之曰九月九日汝南當
有大災令家人縫囊盛茱萸繫臂上登山飲
菊花酒此禍可消今世人九日登高始此

陶潛盈把

晉書陶潛傳字元亮大司馬侃之魯孫
也為鎮軍叅軍謂親朋曰聊欲弦歌以

為三徑之資可乎執事者聞之以為彭澤令續晉
陽秋陶潛嘗九日無酒宅邊摘菊盈把坐其側

既浮九醞之歡

西京雜記以正月旦作酒八月成
一曰九醞一曰醇酎王僧孺敬子

任傳九醞斯
浮百羞並薦

畢卓持螯須盡一生之興

晉書畢卓
傳卓嘗謂

人曰右手持酒盃左手持蟹螯
拍浮酒船中便足了一生矣

人題四韻

南史王
僧孺傳

竟陵王子良嘗夜集學士刻燭為
詩四韻者則刻一寸以此為率

同賦五言

鍾嶸
詩品

逮漢李陵始
著五言之目

其最後成

隋書周羅暉傳羅暉為左
衛率叅宴席陳主曰周左

率武將詩每前
成文士何後也

罰之引滿

石崇金谷集序遂各賦
詩或不能者罰酒三斗

漢書叙傳禁中設燕
飲之會皆引滿舉白

九日正乘秋

謝惠連詩悽悽乘
蘭秋言餞千里舟

三杯興已周

左傳臣侍
君宴過三

爵非禮也漢書朱博傳博為人
庶儉食不重味案上不過三盃

泛桂迎樽滿

楚辭莫桂
酒兮椒漿

注切桂於酒中泰山松酒賦泛
芳樽以琥珀馨桂發而蘭興

吹花向酒浮

孫楚菊花
賦飛金英

以浮旨酒周明帝詠摘花詩
酒浮花不沒花含酒更香

長房艾早熟

風土記茱萸
穠也九月九

日熟色赤
可采時也

彭澤菊初收何藉龍沙上

豫章記龍沙郡北
帶江沙甚潔白高

峻而陂有龍形舊俗為九月九日登高處寰宇記龍沙
在豫章城北一帶甚白而高峻左右居人時見龍跡

方得恣淹留

戰國策莊辛謂楚王曰臣
請避於趙淹留以觀之

登驪山高頂寓目

通鑑景龍三年十二月甲午
上幸驪山溫湯太平寰宇記

驪山在昭應縣東南二里即藍田山也記纂
淵海在臨潼縣雍錄驪山秦漢隋唐皆常遊

幸

四郊秦漢國

周禮天官遂士掌四郊記纂淵海秦都咸陽漢都關中通鑑漢高祖五年婁敬求見

上上召見問之敬曰秦地被山帶河可入關而都之上問張良良曰關中左崤函右隴蜀阻三面而守獨以一

面東制諸侯此所謂金城千里天府之國也婁敬說是也上即日西都長安 八水帝王都司馬

相如上林賦蕩蕩乎八川分流註灞滻涇渭澧鎬潯凡八川江總詩濯流齊八水開襟入四衢左傳凡邑有

宗廟先君 閭闔雄里開離騷吾令帝閭開闔兮倚閭闔之主曰都

未央表曉關於閭闔註天有紫微宮王者象之宮門名曰閭闔後漢書成武侯順傳順與光武同里開說文汝

南平輿里 城闕壯規模詩在城闕兮東京賦殿未出乎門曰開 城闕旆已反乎郊吟漢書高祖

本紀雖日不暇給規模弘遠矣
西京賦規模踰溢不度不減

貫渭稱天邑

水經渭水出隴西首

陽縣渭谷亭南鳥鼠山記纂淵海秦皇兼天下都咸陽
渭水貫都以象天漢書肆子敢求爾於天邑商張華詩

發輒上京

含岐實奧區

說文岐山在長安西美陽縣界
山有兩岐因以名焉西京賦實

維地之奧區神皋註自古
以雍州積高神明之隩

金門披玉館

史記滑稽傳金
馬門者宦署門

也門旁有銅馬故謂之金馬門楊雄解嘲今吾子幸得
應金門上玉堂有日矣班固西都賦於是天子乃登屬

王之館歷
長楊之榭

因此識皇圖

東都賦於是聖皇乃握乾
符闡坤珍披皇圖稽帝文

明皇帝

帝諱隆基睿宗第二子始封楚王後為臨淄
郡王景雲元年進封平王立為皇太子英武

多能開元之際勵精政事海內殷盛旁
求宏碩講道藝文貞觀之風一朝復振

賜諸州刺史以題座右

開元十六年帝自擇廷臣為諸州刺史許景先

號州源光裕鄭州寇泚宋州鄭溫琦邠州袁

仁恭杭州崔志廉襄州李昇期邢州鄭放定

州蔣挺湖州裴觀滄州崔誠遂州凡十一人

行詔宰相諸王御史以上祖道洛濱盛供具

奏太常樂帛舫水嬉賜詩令

題座右且給筆紙令自賦焉

眷言思共理

漢書循吏傳序孝宣常稱曰庶民所以安其田里而亡嘆息愁恨之心者政平訟理

也與我共此者其

鑑夢相惟良

書夢帝賚予良弼又非佞折獄惟良折獄徐茂

與王吳郡書西泊江

猗歟此推擇

漢書韓信傳家貧無行不得推擇為吏

沱同仰惟良之化

聲績著周行

詩嗟我懷人寔彼周行又人之好我示我周行

賢能既俟進

周禮地官

鄉老及鄉大夫羣吏獻賢能之書於王王再拜受之登
於天府內史貳之後漢書郭伋傳徵拜潁川太守帝勞
之曰賢能太守去帝城不遠

黎獻實佇康

書萬邦黎獻共惟帝臣文

心雕龍正位北辰嚮明南面所以運天樞毓黎獻漢書
元帝紀詔曰蓋聞賢聖在位陰陽和風雨時日月光星
辰靜黎

視人當如子

左傳良君賞善而刑淫養民如子蓋之如天容之如地

愛人

庶康

亦如傷

孟子文王視民如傷

講學試誦論

禮記講學以耨之陸機講漢書詩稅駕金華講

學秘館漢書何武傳行部必先即學宮見
諸生試其誦論問其得失然後入傳舍

阡陌勸耕桑

史記秦紀孝公十二年為田開阡陌魏武帝樂府越陌
度阡注阡陌皆道也南北曰阡東西曰陌後漢書明帝
紀詔曰方春戒節人以耕桑其

虛譽不可飾

列子遑遑爾競一時

敕有司務順時氣使無煩擾

之虛譽漢書公孫弘傳與內富清知不可忘魏志胡質傳註質子

厚而外詭服以釣虛譽者殊科威晉武帝賜見嘆其父清謂威曰卿清孰與父清威對

曰臣父清恐人知臣清恐人不知是臣不如者遠也

求名迹易見顏氏家訓忘名者體道合德享鬼神之福祐非所以求名也安貞德自

彰易安貞之吉應地無疆訟獄必以情左傳小大之獄雖不能察必以情教民貴

有常易動靜有常剛柔斷矣竹書紀年日月有行星辰有常恤惇且存老禮記恤孤獨以

逮不足又八十月撫弱復綏強左傳撫弱者昧勉哉各

祇命書疇敢不祇若王之休命知予眷萬方書誕告萬方來書樂志時齊七政朝此萬方

送忠州太守康昭遠等一統志忠州在重慶府城東春秋戰國為巴地

秦屬巴郡漢置臨江縣唐改忠州以巴人蔓
子及郡守嚴顏皆著忠烈故名唐書天寶元

年改刺史
為太守

端拱臨中樞

書垂拱而天下治唐書高倫傳詔曰端拱
三川不憂關中者以屬卿也隋煬帝詩端

拱朝萬國守文繼百王隋書天文志北極星
天之樞也揚子植中樞因無隅文獻通考北極五星在

紫微宮中第
五星為天樞 緬懷共予理

後漢書嚴光傳光武幸其館
光卧不起帝撫光腹曰咄咄

子陵不可相
助為理耶

不有臺閣英

後漢書仲長統傳光武皇帝
政不任下雖置三公事歸臺

閣注臺閣謂尚書也又黃瓊傳初瓊隨父在臺
閣習見故事詩美如英玩英是賢才絕異之稱孰振循

良美

史記太史公自叙奉法循理之吏不伐功矜能百
姓無稱亦無過行作循吏列傳後漢書和帝紀數

詔有司務擇良吏今猶不改

分符侯甸內

說文符信也漢制以竹長六寸分而相合漢書文帝紀注

與郡守為符各分其半右留京師左以與之清書文帝紀開皇九年頒木魚符於總管刺史雄一雌一書五百

里侯服注侯國之服又五百里甸服注畿內之地甸田服事也

拜手明庭裏

書皋陶拜手稽首注

首至手又至地也王褒靈壇銘明庭朝禮仙官羽衣

誓節期飲冰

禮記約信曰誓莊子朝受命而

夕飲冰徐陵文奉詔崇朝飲冰將夕

調人方導水

周禮地官司萬民之難而調和之

荀子夫義者內節於人而外節於萬物者也上安於主而下調於民者也後漢書桓譚傳威德更興文武迭用

然後政調於時而蹠人可定北史高士傳序自罷侯置守歷年永久統以方牧仍世相循所以寬猛為用庀人

調俗國語防民之口甚於防川壅而潰傷人必多民亦如之是故為川決之使導為民者宣之使言

嘉

聲馳九牧

後漢書杜根傳根位至巴郡太守政甚有聲蔡邕文望形表而景附聆嘉聲而響和書六

卿分職各率其屬以倡九牧孔融詩咸孝章書孝章要為天下大名九牧之人所甚稱嘆

惠化光千

祀

祀志盧毓傳毓遷安平廣平太守所在有惠化南史垣崇祖傳崇祖為竟陵惠化大行本連理上有光如

燭咸以為善政所致書伊訓注夏曰歲殷曰祀周曰年

梁昭明太子文選序自姬漢以來渺焉悠邈時更七代

數逾時雨侔昔賢

書曰肅時雨若禮記天降時雨山川出雲三輔決錄茂陵郭伋為潁川化

千祀

如時

芳猷貫前史

謝朓酬德賦結德言而為佩帶芳猷而為服江總詩悠然值君子復此暎

芳猷爾頌中和

周禮春官大司樂以樂德教國子中和祇庸孝友漢書兒寬傳惟天子建中和

之極兼總條貫金聲而玉振之又何武傳

王褒頌漢德作中和樂職宣布詩三篇

吾將令卿士

詩百辟卿士媚於天子徐陵太極殿銘肅肅卿士邕邕承弼

送李邕之任滑臺

舊唐書李邕傳唐隆元年拜左臺殿中御史改戶部員外

郎貶崔州舍城丞開元三年擢為戶部郎中左遷括州司馬後徵陳州刺史累轉括淄滑三州刺史元和郡縣志滑州即古滑臺城城有三重又有都城周二十里相傳衛靈公所築小城昔滑氏為壘後人增以為城屬河南道一統志滑縣在大名府城南二百三十里

漢家重東郡

前漢書循吏傳序孝宣知民事之艱難拜刺史守相輒親見問二千石有治理效輒

以璽書勉厲增秩賜金或爵至關內侯是故漢世良吏於是為盛前漢書地理志東郡秦置屬兗州元和郡縣志始皇五年拔魏二十城初置東郡漢因之東晉時慕容德自鄴南往滑臺宋武既平慕容之後於此置兗州

仍置東郡開皇九年於今州理置杞州十六年改杞州為滑州大業三年又改為東郡

宛彼白馬

津

水經注舊東郡白馬縣神馬亭有神馬寺去白馬津可二十里東南去白馬縣故城可五十里開山圖所

謂白馬山也一統志黎陽津在黎陽故城東又名白馬津漢酈食其所謂守白馬之津即此

黎庶既

蕃殖

國語財用蕃殖於是乎始淮南子仁義大布而萬物蕃殖易林甘雨降嘉黎庶蕃殖

臨之勞

近臣

潘尼詩及爾同僚具惟近臣

遠別初首路

諸葛亮伐魏詔旂麾首路其所經至亦不

欲窮兵極武顏延之詩改服飾徒旅首路踣險艱鮑照詩首路或參差校駕均遠托

今行方及春

課成應第一

通典漢景帝更名郡守為太守掌治民進賢勸功決訟檢姦常以春行所主縣秋冬

遣無害吏平其罪法論殿最又漢制縣令秋冬集課上計於所屬郡國前漢書黃霸傳霸以外寬內明得吏民

心戶口歲增治為天下第一王隱晉

良牧爾當仁

漢宣帝詔

庶民所以安其田里而忘嘆息愁恨之心者
政平訟理也與我共此者其惟良二千石乎

溫湯對雪

長安志驪山在臨潼縣東南二里溫
湯在山下唐書高祖紀武德六年二

月庚戌幸溫湯壬子獵於驪山甲寅至自溫
湯又明皇紀開元五年置溫泉宮於驪山天

寶六年改
為華清宮

北風吹同雲

詩北風其涼劉州詩離羣思北風詩上天
同雲雨雪雰雰疏在上天同起其雲西京

雜記雪雲曰同雲庾肩吾詩
寒光晦八極同雲暗九天

同雲飛白雪

孟子白羽之
白猶白雪之

白世說謝安集兒女講論文義俄而雪驟公欣然曰白
雪紛紛何所似兄子朗曰撒鹽空中差可擬兄女道蘊

曰未若柳絮因風起

白雪乍迴散

曹植賦飄飄兮若流風之迴雪謝莊雪賦迴散崇積之勢飛聚

凝曜之奇

同雲何慘烈

班固西京賦雨雪飄飄風霜慘烈梁武帝擣衣詩陰蟲日慘烈庭草復芸

黃

未見溫泉冰

雪賦焦溪涸湯谷凝火井滅溫泉冰晉書紀瞻傳今有溫泉而無寒火其故何

也抱朴子水主純冷而有溫泉之湯泉水體宜熾而有蕭丘之寒熾魏都賦溫泉必湧而自浪華清蕩邪而難

老寧知火井滅

水經火山出火井左思蜀都賦火井沉熒於幽泉高燭飛煽於天垂注蜀都有

火井在臨邛縣西南火井鹽井也欲出其火以家火投之須臾許隆隆有聲熾出通天光輝十里以兩盛之接

其光而無炭也

表瑞良在茲

謝惠連雪賦盈尺則呈瑞於豐年表丈則表沴於陰德周書明帝紀

天不愛寶地稱表瑞

庶幾可怡悅

陶弘景詩只可自怡悅

登蒲州逍遙樓

舊唐書地理志河中府隋河東郡武德元年置蒲州治開元八

年置中都改蒲州為河中府其年罷中都依舊為蒲州一統志山西平陽府蒲州在府城西南四百五十里春秋時為蒲坂唐改蒲州屬河東道夢溪筆談蒲中逍遙樓楣上有唐人橫書梵字相傳是霓裳譜

長榆息烽火

史記淮南王傳廣長榆開朔方注長榆塞名水經注榆林塞即漢書所謂榆溪舊塞

也自溪西去悉榆柳之數緣歷沙陵屈龜茲縣西出故謂廣長榆也梁元帝賦若驅馬於長榆漢書文帝紀烽火通於甘泉後漢書杜茂傳盧方據高柳帝遣段忠鎮守北邊築亭候修烽火隋煬帝飲馬長城窟行緣巖驛馬上乘空

高柳靜風塵

漢書地理志代郡縣高柳西部都尉治水經注高柳在代中其

烽火發

山重疊巒霞舉雲高連山隱隱東出遼塞庾信司馬

喬誌銘築塞長榆營軍高柳李康運命論風驚塵起散

而不止庾信詩馬有卜征巡九洛左傳石龜言於子囊

風塵氣人多闕塞衣卜征巡九洛日先王卜征五年而

歲習其祥祥習則行不習則增修德而改卜張衡東京

賦卜征考祥終然允淑注征巡行也梁武帝詔每歲卜

征躬事巡省莊子九洛之事治成德備注九洛洛書九

疇也庾信馬射賦舜以甲子之朝披圖而巡洛王勃乾

元殿頌黃軒瞰月展豫出三秦左傳天子非展義不巡

樵門頽九洛之功狩孟子一遊一豫為諸

侯度史記始皇紀項籍滅秦之後各分其地為三名曰

雍王塞王翟王是為三秦又淮陰侯傳今大王舉而東

三秦可傳昔是潛龍地易潛龍勿用一統志龍潛宅在

檄而定也今為上理辰易飛龍在天上治也案上時平乘道泰

理即上治避高宗諱改

漢書食貨志三考黜陟餘三年食進業曰登再登曰平
三登曰泰平易天地交泰陸倕詩時逢世道泰蹇足步

高 聊賞遇年春

劉端初春宴東堂詩
賞賞叶春芳史記
天官書立春四時之卒始也注立春日

是去年四時之終卒今年之始也
沈約詩旅遊媚年春年春媚遊人
黃河分地絡

山海經
河源出

崑崙之山水經注崑崙墟地之中也其高萬一千里東
南流黃水入中國為黃河平陽府志黃河在蒲州河津

平陸芮城垣曲界王褒詩常山臨代郡亭障繞黃河張
衡西京賦爾乃振天維行地絡注維綱也絡網也宋孝

武帝詩層岑亘天維曠渚綿地絡
鮑照游思賦仰盡兮天經俯窮兮地絡
飛觀接天津

曹植
東征

賦登城隅之飛觀兮望六師之所營
陸康琴賦高軒飛觀廣廈間房爾雅箕斗之間注箕龍尾斗南斗天漢之

津梁離騷朝發軔於天津兮夕余至乎西極
晉書天文志天津九星橫河中主四瀆津梁

一覽遺芳

翰

世說王珣曰若使汗陌條暢則一覽而盡盧照隣詩遊人試一覽臨觀果忘疲通典麗藻芳翰

千載

肅如神

漢書王褒傳上下俱欲懽然交欣千載一會論說無疑何妥詩小臣屬千載時幸預簪纓禮記

清明在躬志氣如神史記五帝紀帝堯者放勳其仁如天其知如神

經河上公廟

神仙傳河上公者莫知其姓氏漢文帝時結菴於河濱帝讀老子有

不解者幸其菴問之公授帝素書二卷曰余注此凡傳三人矣遂失所在一統志廟在河

南府
陝州

昔聞有耆叟

晉書文帝紀耆叟荷崇養之德鰥寡蒙矜恤之施劉楨國文甫碑龍德逸民黃髮耆

叟

河上獨遺榮

詩河上乎道遥張協詩達人知止足遺榮忽如無謝靈運詩彭薛裁知恥貢公

未遺榮文選注

鍾會有遺榮賦

跡與塵囂隔

陶潛桃花源詩借問遊方士無乃太塵囂謝朓詩塵

囂自茲隔賞

心將道德并

易和順於道德而理於義史記老子傳老子修道德其學

心於此遇

以自隱無名為務著上下

詎以天地累

禮記除去天地之害

寧爲

篇言道德之意五千言

寵辱驚

老子得之若驚失之若驚是謂寵辱若驚

矯然翔寥廓

夏侯湛東方朔像贊矯矯

先生史記司馬相如傳鷦鷯已翔乎寥廓而羅者猶視

乎藪澤曹植詩山谷何寥廓謝朓詩寄言尉羅者寥廓

已高

如何屈堅貞

易貞固足以幹事論語不曰堅乎磨而不磷杜公瞻詩屠釣采堅貞

玄

玄妙門啓

老子玄之又玄衆妙之門蔡邕翟先生碑玄玄馬測之無源汪汪焉酌之不竭晉書皇甫

謚傳遊精於六藝之府散

肅肅祠宇清

詩肅肅在廟爾雅肅肅敬也東

意於衆妙之門者有年矣

方朔像贊逍遙城郭觀先生之祠宇

冥漠無先後

後漢書張奐傳施及冥漢謝靈運佛影銘金好

冥漠白豪幽曖詩不自我先不自我後淮南子先後上下不可不審

那能紀姓名

禮記男子書名

婦人書姓史記項羽紀書足以記名姓而已

過王濬墓

晉書本傳濬字士治弘農湖人封襄陽縣侯墓栢谷山大營塋域墓垣周

四十
五里

吳國分牛斗

周禮注分野斗牛女揚州

晉室命龍驤

晉書羊祜傳吳有童謡曰阿童

復阿童啣刀浮渡江不畏岸上獸但畏水中龍祜聞之曰此必水軍有力會濬徵為大司農小字阿童因表留濬監益州諸軍事加龍驤將軍後漢書吳漢傳吳公驚彊實為龍驤又可進傳今將軍總皇威握兵要龍驤虎

步高下在心蜀志諸葛亮傳亮之素志進欲龍驤虎視苞括四海

受任敵已滅

晉書本傳武帝

謀伐吳詔濬修舟艦濬乃作船於蜀太康元年正月發自成都二月壬寅入於石頭皓肉袒面縛收其圖籍封

其府庫荀勗省吏議量能受任思不出位

策勲名不彰

左傳凡公行告於宗廟反行飲至舍爵策

勲禮也晉書本傳王渾表濬違詔不受節度誣罪狀之恒溫表濬建元勲於當年著嘉慶於身後

居美

未盡善

晉書本傳范通謂濬曰卿功則美矣然恨所以居美者未盡善也

矜功徒自傷

晉書本傳濬自以功大而為渾父子及豪強所抑屢為有司所奏每進見陳其攻伐之勞及見枉之罪或不勝忿憤徑長戟今何在

晉書本傳濬嘗起宅開門前路廣數十步或謂之何太過濬曰吾欲

使客長戟旌旗衆咸笑之曰陳勝有言燕雀安知鴻鵠之志

孤墳此路旁不觀松柏

茂

晉書本傳濬墓面別一門松柏茂盛

空餘荆棘塲

東征賦觀蒲城之丘墟兮生荆棘之榛榛

歎嗟懸劍龍

史記吳季札北過徐徐君好季札劍季札知之還至徐解劍繫墓樹而去水經注徐

城外有墓昔延陵季子解劍於此所謂不違心許也

誰識夢刀祥

晉書本傳濬夜夢懸三刀於卧

屋梁上須臾又益一刀濬驚覺意甚惡之主簿李毅再拜賀曰三刀為州字又益一刀明府其臨益州乎果遷

為益州

刺史

過晉陽宮

唐書高祖紀大業十三年高祖留守太原領晉陽宮監元和郡縣志帝堯

始封於唐又徙晉陽即今太原也禹自安邑都晉陽至周成王以封弟叔虞是為晉侯中有三城其一曰大明城古晉陽城也傳言董安于所築東魏孝靜帝於此置晉陽宮隋又

更名新城煬帝更置晉陽宮城高四丈周迴七里

緬想封唐處

帝王世紀帝摯登位封異母弟放勳為唐侯詩唐風釋文唐者周成王之母弟叔虞

所封也舊唐書高祖紀皇祖虎後魏封隴西郡公周受禪追封唐國公高祖以周天和元年諡唐國公實

惟建國初

周禮天官惟王建國辨方正位左傳天子建國諸侯立家俯察伊晉野易

以察於地理詩唐風釋文漢曰太原郡在古冀州太行恒山之西太原太岳之野其南有晉水叔虞之子燮父

因改為

仰觀乃參虛

易仰以觀於天文左傳遷實沈於大夏主參唐人是因以服事夏商

其季世曰唐叔虞當武王邑姜方震太叔夢帝謂已余命而子曰虞將與之唐屬諸參而蕃育其子孫及成王滅唐而封太叔焉故參為晉星唐書樂志太常卿韋萬石定凱安舞六變一變象龍興參墟

井邑龍

斯躍

易改邑不改井陸雲詩修路無窮迹井邑自相循舊唐書高祖紀武德六年十二月以奉義監為龍

躍宮城池鳳翔餘

春秋運斗樞天樞得則鳳凰翔於千仞兮覽德輝而下之張衡

東京賦龍飛白水鳳翔參墟

林塘猶沛澤

孟子沛澤多而禽獸至注沛草木之所生也

臺

榭宛舊居

書惟宮室臺榭傳土高曰臺有木曰榭

運草祚中否

庾信哀江南賦若江

陵之中否乃金陵之禍始

時遷命茲符

傅遜皇初頌帝王之起必有天命瑞應自然之符

顧

循承丕基

書厥子乃弗肯堂矧肯構蔡邕司空楊公碑祇服宏業克丕肯構北齊書文宣帝紀文襄

承構愈廣前業

怵惕多憂虞

書怵惕惟厲易悔吝者憂虞之象也

尚恐威不逮

書懋

乃后德交修不逮

復慮化未孚豈徒勞轍迹

左傳昔穆王欲肆其心周行天下將

皆必有車轍馬迹馬顏延之

詩周御窮轍迹夏載莫山川

所期訓戎車

詩戎車既安如輕如軒周

禮夏官戎僕掌馭戎車沈約

詩戎車出細柳餞席遵上林

習俗問黎人

史記秦始皇紀遂登會稽

宣省習俗黔首齊莊左思魏都

賦情有險易者習俗之殊也

親巡慰里閭

左思魏都賦夾以府

寺班之

永言念成功

詩永言孝思書成允成功

頌德臨康衢

列子堯治天下

五十年微服遊於康衢聞兒童謠曰立

我蒸民莫匪爾極不識不知順帝之則

長懷經綸日

易雲

雷屯君子

嘆息履庭隅艱難安可忘

詩序七月陳王業也周公陳后稷先

以經綸

公風化之所由致

王業之艱難也

欲去良跼蹐

詩愛而不見搔首跼蹐李陵詩執手野跼蹐

行次成臯途經先聖擒建德之所緬思功業感

而賦詩

漢書地理志河南郡成臯故虎牢元和郡縣志古東魏國鄭之制邑漢之

成臯縣一名武牢開皇十八年改成臯為汜水縣一統志汜水縣在開封府鄭州西一百一十里舊唐書太宗紀武德四年二月竇建德以兵十萬來援世充至於酸棗太宗親率步騎趣武牢建德自滎陽西上築壘於板渚太宗屯武牢相持二十餘日太宗牧馬河北以誘之建德果恣衆而至陳兵汜水列陣自辰至午兵士遂巡歛退太宗親率輕騎追而誘之建德迴師而陣未及整列太宗先登擊之生擒建德於陣

有隋政昏虐羣雄已交爭

繆龍鏡歌芟夷鯨鯢驅羣雄

先聖按劍起

史記蘇秦傳韓王勃然作色按劍仰天嘆息唐太宗詩提劍鬱匡時叱咤風雲生

史記淮陰侯傳

項王喑啞叱咤千人皆廢魏志賈詡傳註指揮可以振風雲叱咤足以興雷電徐陵文叱咤而起風電吹噓如

倒山岳易雲徙龍風徙虎飲馬河洛竭

左傳楚子北師次於郟將飲馬於河而歸史記封禪書秦

公卜居雍後子孫飲馬於河遂都雍潘岳登虎牢山賦
港修阪兮停車臨寒泉兮飲馬晉書懷帝紀永嘉三年
大旱江漢河洛皆竭可涉水經洛水出京兆上洛縣至
鞏南而入河元和志鞏縣與成臯中分洛水西則鞏東
則成作氣嵩華驚左傳夫戰勇氣也一鼓作氣再而衰
三而竭初學記嵩高山者五岳之中

阜也元和志在登封縣北八里初學記華山者五岳之

西岳也括地志在華州華陰南八里華山記山頂有池

生千葉蓮花服之羽化因曰華山

克敵睿圖就

左傳克敵必示子孫以無忘武功薛道衡清高

祖頌尚想睿圖永惟聖則舊唐書太宗紀建德陳兵汜水世充將陣於其南太宗謂諸將曰賊起山東未見大

敵今度險而戰是無政令逼城而陣有輕我心我按兵
不出彼乃氣衰陣久卒餓必將自退追而擊之無往不
克吾與公等約必以午時後破之建德列陣自辰至午
兵士餓倦皆坐列又爭飲水遂延歛退太宗擊之所向
靡擒俘帝道亨

唐書太宗紀武德四年二月生擒建德於陣六月凱旋太宗親披金甲陳鐵馬

一萬騎甲士三萬人前後部鼓吹俘二偽主及隋氏器

物輦輅獻於太廟莊子帝道運而無所積故天下歸劉

峻辨命論驅號虎奮顧慚嗣寶厯

搜神記虞舜耕於歷尺劍入紫微升帝道

巖舜知天命之在己體道不倦徐陵檄周文主上恭膺

寶厯嗣奉瑤圖陸印詩皇家膺寶厯兩地復參天顏師

古詩七政璿衡恭承天下平

漢書元帝紀恭承天地託於公侯之上禮記國治而

始三元寶厯新

后天幸過剪鯨地

左傳古者明王代不敬取其鯨鯢而封之以為大戮徐陵文鯨鯢俱剪又

實剪長鯨感慕神且英

庚信賀平鄴都表雖復八風並唱未足頌其英聲六樂俱陳無以歌其神

武

校獵義成喜遇大雪率題九韻以示羣臣

按義成地

名無攷唐書方鎮表貞元元年立義成軍在衛滑與此不合故不採入

弧矢威天下

易弦木為弧剡木為矢弧矢之利以威天下疏弧木弓也釋名矢指也言有所指向

迅疾也

旌旗遊近縣

爾雅注旌首日旌有鈴曰旗釋名析羽為旌熊虎為旂又旌精也言有精

光也旗期也言與衆期於下也史記司馬相如傳方今田時重煩百姓已親見近縣

一面施鳥羅

史記殷本紀湯出見野張羅四面乃去其三面祝曰欲左左欲右右不用命乃入吾網吳志張紘傳注合肥城

久不拔紼進計曰古之圍城開其一面以疑衆心今可
小寬之以觀其變唐太宗詩旌旂四望合且羅一面求

紫玉歌南山有
鳥北山張羅

三驅教人戰

易王用三驅疏三面着人
驅禽班固東都賦舉烽伐

鼓申令三驅殷仲文解尚書表申三驅於天信吳子教
戰之令短者持矛戟長者持弓弩强者持旌旗勇者持

金鼓弱者給廝
養智者為謀主

暮雲成積雪

後漢書郡國志注雲南縣
西有山特高與雲氣相連

結五月霜雪皓然沈約詩蒼雲軫暮色詩傳豐年
之冬必有積雪任昉詩土膏候年動積雪表辰暮曉色

開行殿

陶潛詩晨色奏景風蔡邕獨斷乘輿所在曰
行在所庾信華林園賦止立行宮裁舒帳殿皓

然原隰同

爾雅廣平曰
原下濕曰隰

不覺林野變

宋書謝靈運傳古
巢居穴處曰巖棲

棟宇居山曰山居在林野曰丘園陸機詩嚴駕東征肅
邁林野傳休奕鷹賦獨飛峙於林野兮復徘徊於天庭

北風勇士馬

詩北風其涼雨雪其雱古詩代馬依北風鮑照蕪城賦才力雄富士馬精妍

東

日華組練

莊子曰出於東方入於西極古樂府日出東南隅左傳組練三百披練三千謝朓元會曲

分階楮組練充庭羅翠旂又登孫壇故城詩北拒溺駮鑣西龕收組練

觸地銀麋出

漢書律歷

志角觸也物觸地而出戴芒角也穆天子傳天子賜曹奴之鹿白銀之麋

連山縞鹿見

陶弘景尋

山誌右連山而無際左憑海而齊天殷仲堪白鹿表白者正色鹿者景福嘉義

月兔落高矦

張衡

靈憲月者陰精之宗積而成獸象蟾兔劉孝綽林下暎月詩攢柯半玉蟾蜍葉彰金兔廣韻矦矦射矢也莊子

鳥高飛以避矦弋之害

星狼下急箭

史記天官書九遊東大星曰狼下有四星曰弧直狼注弧

九星在狼東南天之弓也以伐叛懷遠矢向狼

既欣欣盈尺飛

謝惠連雪賦盈尺則呈瑞於豐年注

凡平地尺為大雪隱公之時
大雪平地一尺是歲大熟

復憶磻溪便

竹書紀年王將政史編卜

之曰將大獲非熊非羆天遣大師以佐昌臣至於磻溪
之水呂望釣於涯王下趨拜之曰望公七年乃今見光
景於斯水經注渭水之右磻溪水注之其東南有石室蓋
太公所居也水流次平石釣處即太公垂釣之所也其
投竿踞餌兩膝遺跡猶存是有磻谿之稱也

歲豐將遇賢

揚潛物理論正月四方黃氣其歲大

豐宋書樂志歲時豐衍九土
樂昇平禮記聘名士禮賢者
皇天眷佑
誕受厥命

俱荷皇天眷

書乃祖成湯克齊聖廣淵

德宗皇帝

帝諱适代宗長子初封奉節郡王廣德二年立為皇太子善屬文尤長於篇什每與

學士言詩於浴堂殿夜分不寐三令節御製詩勅羣臣賡和品第優劣四方貢藝者帝多親試或有

乖謬濃筆點抹之稱旨即翹足朗吟詭宰相曰此朕門生無不服帝之藻鑑焉在位二十五年謚曰孝

中和節賜百官燕集因示所懷

唐書德宗以寒食多與上已同

日欲以二月名節自我為古李泌請廢正月晦以二月朔為中和節文武百辟進農書以示務本與上已九日為三令節民間是日以青囊盛百穀相問遺號為獻生子

至化恒在宥

後漢書仲長統傳今欲張太平之紀綱立至化之基址齊民財之豐寡正風俗之奢

儉非井田實莫由也晉書阮冲傳旁求俊乂以輔至化莊子聞在宥天下不聞治天下也在之也者恐天下之淫其性也宥之也者恐天下之遷其德也不淫其性不遷其德有治天下者哉
保和茲息人
易各

正性命保合太和魏書崔浩傳恬神保和納御嘉福禮
記既蜡而收民息已左傳晉侯歸謀所以息民魏絳請
施舍輸積聚以貸自公以下苟有積者盡出推誠撫諸
之後漢書章帝紀興以息事寧人敬奉天氣

夏

中說周公推之以誠則不言而信

與物長為春

雲笈七籤使神陽達而不失於充日夜無

陰而與物為春即是合而生時於心者也

仲月風景煖

禮記注有田者既祭又薦新祭以首月薦

以仲月王勃覽率寺碑野曠川明風景挾江山之助

禁城花柳新

顏延之詩夙御嚴清制朝駕守

禁城梁元帝詩墻高舉不及花新摘未舒唐太宗詩未佩蘭猶小無絲柳尚新

芳時協金奏

梁元

帝纂要春時曰芳時周禮鐘師掌金奏注擊鐘以為奏樂之節左傳楚子享郤至金奏作於下國語所以金奏散陽出滯也注太簇正聲為商故為金奏顏延之五君詠達音何用深識微在金奏

賜宴同羣臣

北史韋師傳上召師與左僕射高頻等於卧內賜宴令各叙舊事以為笑樂

絲竹豈云樂

蘇武

傳絲竹屬清聲班固東都賦金石布絲竹和曹植詩顧視東西廂絲竹與鞞鐸左思詩何必絲與竹山水有清

音劉孝綽詩九成變

忠賢惟所親

漢書元帝紀明王在上忠賢布職則羣生

和樂方外蒙澤庶洽朝野意

詩序政遇醇和則歡娛被於朝野晉書杜預傳陛下聖明朝野清晏

曠然天下均

漢書匡衡傳臣愚以為宜一曠然大變其俗後漢書班彪傳成王即位天下曠然太

平

重陽燕

魏文帝與鍾繇書九為陽數而日與月並應故曰重陽

早衣對庭燎

鄒陽書始孝文皇帝寒心銷志不明求衣梁武帝詔兼晚冬晏促機事罕暇夜分求

衣詩夜如何其夜未央庭燎之光周禮秋官凡邦之大事共墳燭庭燎注墳燭麻燭也

躬化勤意

誠

詩序闕雖后妃之德也世皆知文王能得內助而不知本於文王之躬化禮記意識而后心正

時此

萬幾暇

書兢兢業業一日二日萬幾梁武帝答周弘正詔萬機小暇試當討論

適與佳節

并

魏文帝詩適與飄風會曹植冬至表千載昌期一陽佳節謝靈運擬鄴中集詩序天下良辰美景賞心樂

事四者難并

曲池潔寒流

左思魏都賦踈蕪寒流自清泚詩邑里向疏蕪寒流自清泚

芳菊

舒金英

漢武帝秋風辭蘭有秀兮菊有芳孫楚菊花賦飛金英以浮旨酒王筠詩菊花偏可喜碧葉媚

金乾坤爽氣滿

易天尊地卑乾坤定矣世說西山朝來致有爽氣

臺殿秋光清

梁元帝鍾山飛流寺碑瞻洛陽之臺殿唐太宗秋曰翠微宮詩秋光凝翠嶺涼吹肅離宮

朝野慶年

豐

謝莊與世祖啓事檄至輒布之京邑朝野同欣里頌塗歌室家相慶左傳奉盛以告曰潔粢豐盛謂其三

時不害而民和年豐也易林年豐歲熟民人安息梁武帝詩年豐廉讓多

高會多歡聲

史記項羽

紀置酒高會司馬相如上

永懷無荒戒良士同斯情

詩維

林賦魚鱉歡聲萬物衆夥

以不永懷又好樂無荒良士瞿

瞿漢書吳王濞傳同情相求

九月十八賜百寮追賞因書所懷

雨霽霜氣肅

國語辰角見而雨畢註辰角大星蒼龍之角星也寒露初朝見東方雨畢者雨氣盡

也宋玉高唐賦風止雨霽雲無處所詩九月肅霜註肅霜謂秋氣肅而霜降也

天高雲日明

楚辭

次寥兮天高而氣清魏志公孫度傳註私從一隅永瞻雲日謝靈運詩雲日相輝映

繁林已墜葉

應貞詩繁林收陽彩密花解華叢謝靈運賦送墜葉於秋晏遲含萼於春初

寒菊仍舒榮

禮記

季秋之月鞠有黃華夏小正榮鞠註鞠黃華華榮也謝莊月賦菊散芳於山隅嵇含銘煌煌丹菊季秋彌榮傳統妻辛女菊花頌英英麗草稟氣靈和春茂翠葉秋曜金華梁簡文帝長沙宣武王碑銘春藤絡戶寒菊臨池懿此秋節時謝靈運歸塗賦更延追賞情水經注吹畦風馨觸岫延

賞池臺列廣宴

漢武帝故事上行幸河東顧視帝京忻然中流與羣臣飲讌歡甚顏延之曲水

詩序排鳳闕以高遊開爵園而廣宴絲竹傳新聲

禮記金石絲竹樂之器也漢書張禹傳性習知

音聲後堂理絲竹管弦左思蜀都賦羽爵既競絲竹乃發晉書石崇傳絲竹盡當時之選史記李延年傳善歌為變新聲北堂書鈔文帝在摩陂劉子直能為新聲帝以屏隔之使合新韻古詩彈箏奮逸韻新聲妙入神

至樂非外獎

陰符經至樂性徐至靜性廉陸機招隱詩至樂非有假安事澆淳樸謝靈運詩沮障

自可美容心非外獎江淹詩去矣從所欲得失非外獎

決歡同中誠

禮記故酒食者所以合歡

也史記孝文帝紀帝施德惠天下填撫諸侯四夷皆洽歡易聖人久於其道而天下化成書永清四海漢書薛宣傳御史大夫內承本朝之風化外佐宰相統理天下後漢書順帝紀遣侍中杜喬等八人分行州郡班宣風化舉實臧否

庶敦朝野意永使風化清

送張建封還鎮

唐書本傳貞元四年拜建封御史大夫徐泗濠節度使十三年

來朝帝不待日召見延英殿元已賜宴曲江特詔與宰相同榻食其還鎮帝賦詩以餞時雖馬燧渾瑊劉元佐李抱真等勲寵卓越未有以詩餞者建封又賦詩以自勵

牧守寄所重

周禮太宰施典於邦國建其牧曲禮九州之長入於天子之國曰牧

才賢生

為時

陸雲贈顧尚書詩行成世則才為時生

宣風自淮甸

後漢書遣侍中杜喬等八人分

行州郡班宣風化舉實臧否禹貢導淮自桐柏東會於

泗沂東入於海禮王制千里之內曰甸服鮑照詩登臚

眺淮甸按建封以徐濠泗節度使授鉞膺藩維東京賦

鎮徐州陳師道記徐州南通江淮授鉞膺藩維授鉞四

七其工是除孽虞新禮儀漢魏故事遣將出征符節郎

授鉞於朝堂王少頭陀寺碑觀政藩維樹風江漢資治

通鑑綱目李泌以江淮漕運自淮入汴以甬橋為咽喉

李納一旦竊據徐州則失江淮矣請徙張建封鎮徐州

入覲展遐戀

禮春見曰朝秋見曰覲

臨軒慰來思

漢書天子自臨軒文選註天子

御平臺曰臨軒

忠誠在方寸

徐陵勸進表忠誠貫於日月孝義成於冰霜蜀志徐

詩烝然來思

庶辭先主而指其心曰本欲與將軍共圖王霸之業者以此方寸之地也今方寸亂矣

感激陳情

詞

後漢書朱穆傳論專諸荆卿之感激侯生豫子之拔身蔡邕琴賦感激絃歌一低一昂阮籍詩感激生憂

思萱草謝蘭房劉琨重贈盧諶詩鄧生何感激千里來相求楚辭願陳情以自行兮

報國原所向

忠經有報國篇曹植詩思一効筋力廢軀以報國

恤人子是資

左傳人不能字人之孤而恤之

歡宴不盡懷

謝瞻詩歡餘宴有窮莊子有問而應之盡其所懷

車馬當還期

謝靈運詩理棹

還還期

穀雨將應候

孝經緯清明後十五日斗指辰為穀雨

行春猶未

遲

謝承後漢書鄭弘為臨淮太守行春白鹿方道夾穀而行

勿以千里遙

禮記自江至於衡山

千里而遙自東河至於東海千里而遙陶潛詩千里雖遙孰敢不至

而云無已知

論語不患莫己

知

御選唐詩卷一

欽定四庫全書舊要卷一萬九千二百三十三

集部

御選唐詩卷二

五言古

王績

字無功，絳州龍門人。文中子之弟。隋末授秘書省正字，不樂在朝，求為六合丞。嗜酒，不任

事。尋還鄉里。唐武德初，以前官待詔門下省時，太樂署史焦革家善釀，績求為丞。革死，棄官歸東臯，號東臯。

子集五卷

古意

桂樹何蒼蒼

楚辭：桂樹列兮紛敷，吐紫華兮布條。江淹詩：蒼蒼山中桂，團團霜露色。

秋來

花更芳自言歲寒性

南史傳論貞勁之節歲寒自有性也異物志桂冬夏長綠

不知

露與霜

范雲詠桂詩不識風霜苦安知零落期

幽人重其德

易履道坦坦幽人貞吉

徙植臨前堂

庾信枯樹賦昔之三河徙植九畹移根漢書田蚡傳前堂羅鐘鼓立曲旃傳休奕艷

歌行媒氏陳東

連卷八九樹偃蹇二三行

山海經桂木八樹在賁隅

東淮南王招隱士桂樹叢生兮

枝枝自相糾葉葉還相

山之幽偃蹇連卷兮枝相繚

當

古詩東西植松柏左右種梧桐枝枝相覆蓋葉葉相交通

去來雙鴻鵠

韓詩外傳鴻鵠一舉

千里所恃者六翮耳古詩

棲息兩鴛鴦

詩鴛鴦于飛箋言其止則相偶

願為雙鴻鵠奮翅起高飛

飛則為雙古歌辭入門時左顧但見

雙鴛鴦鴛鴦七十二羅列自成行

榮蔭誠不厚

楚辭美桂

樹之冬榮大戴禮

樹成蔭而鳥息焉

斤斧亦不傷

逸周書山林非時不升斤斧以成草木之長管

子惡金以鑄斤斧鉏夷鋸搗試之木土

赤心許君時

後漢書光武帝紀蕭王推赤心置人腹中

此意那可忘

岑文本

字景仁鄧州人沉敏有姿儀博綜經史美談論善屬文初為蕭銑典篇翰太宗授祕

書郎上藉田三元二頌擢中書

舍人晉拜中書令集六十卷

奉和正日臨朝

左傳凡朝以正四民月令正月一日七十二候之初三百六旬

之始是謂正日

宗有正日臨朝詩

時雍表昌運

書黎民於變時雍石崇詩武則不猛化則時雍

日正叶靈符

書協時月

正日馮衍銘元正上日百福孔靈漢書班彪傳漢德承堯有靈命之符曹植詩迴駕觀紫微與帝合靈符晉書

郭璞傳王者之作必**德兼三代禮**禮記三代之禮一也有靈符塞天人之心

王也必先其令聞詩云明明**功包四海圖**書聲教訖天子令聞不已三代之德也

沙紛在列顏延之曲水詩序棧山航海**執玉儼如超**禮記

執玉不超左傳禹會諸侯**清蹕喧輦道**周禮師氏使其

于塗山執玉帛者萬國各以其兵服守王之門外且蹕注蹕止行人不得近王

宮也晉書載記響清蹕于常道之門馳金車于山陽之

館沈約樂歌清蹕朝萬寓端冕臨正陽司馬相如上林賦華榱壁璫輦道纚屬三輔黃圖武帝于未央宮西跨

城池作飛閣通建章宮構輦道以上下注輦道為閣道可以乘輦而行庾肩吾經吳郵亭詩輦道通閣塞王城

似太

張樂駭天衢

莊子北門成問于黃帝曰帝張咸池之樂于洞庭之野吾始聞之懼復聞

之怠卒聞之而惑易何天之衢漢書叙傳攀龍附鳳並

乘天衢晉書天文志房四星為明堂天子布政之宮也

中間為天衢黃道之所經也拂蜺九旗映宋玉高唐賦

七曜由乎天衢則天下平和拂蜺九旗映蜺為旌翠為

蓋張衡東京賦龍輅充庭雲旗拂蜺顏延之曲水詩序

九旂齊軌建旗拂蜺周禮司常掌九旗之物名各有屬

以待國事潘岳藉田賦儀鳳八音殊書簫韶九成鳳皇

五輅鳴鑾九旗揚旆儀鳳八音殊來儀班固幽通賦

虞韶美而儀鳳兮孔忘味於佳氣浮仙掌後漢書光武

千載書八音克諧無相奪倫佳氣浮仙掌紀望氣者遙

見春陵曰氣佳哉鬱鬱葱葱然史記武帝紀作栢梁銅

柱承露仙人掌之屬三輔舊事仙人掌在甘泉宮班固

西都賦抗仙掌以承薰風繞帝梧帝王世紀舜彈五絃

露擢雙立之金莖琴歌南風曰南風之

薰兮可以解吾民之愠兮呂氏春秋東南曰熏風詩卷

阿疏鳳皇非梧桐不栖韓詩外傳黃帝致齋于宮鳳乃

蔽日而至止帝東園集帝梧桐梁簡文帝上白兔表豈

殊丹岫之羽下止帝梧張正見詩丹山下威鳳來集帝

梧天文光七政易觀乎天文以察時變潘岳閒居賦闕

中注日月五星皇恩被九區劉駒駮郡太守歲大漢遵周

各異政也化洽九區陸機宴宣猷堂詩

九區克咸方陪瘞玉禮桓譚新論脩封泰山瘞玉岱宗

燕歌以永注凡封山則埋玉庚信祀方澤

歌瘞玉埋俎珥筆岱山隅魏志陳思王植傳安宅京室

藏芬歛氣執鞭珥筆出從華蓋入侍輦

轂潘岳贈陸機詩優游省闈珥筆華軒鮑照謝永安令

啓振纓珥筆聯承貴寵周禮職方氏河東曰兗州其山

鎮曰岱山注岱山

即泰山東岳也

上官儀

字游韶陝州陝人貞觀初擢進士第召授弘文館直學士遷祕書郎太宗每屬文遣

儀視葉私宴未嘗不預高宗即位為祕書少監進西臺侍郎同東西臺三品儀工詩其詞綺錯婉媚人多效之謂之上官體

早春桂林殿應詔

步輦出披香

晉書山濤傳帝嘗講武於宣武場詔乘步輦從左思西都賦乘茵步輦惟所息宴注

皇后嬈好乘輦

四人輿以行三輔黃圖武帝時後宮八

區有昭陽披香等殿西都賦茝若椒風披香發越庚信

春賦宜春苑中春已

清歌臨太液

陶潛詩清歌發新聲綠酒開芳顏晉白紵

歸披香殿裏作春衣

歌清歌徐舞降祇神四座歡樂胡可陳漢書郊祀志建

章宮北治大池漸臺高二十餘丈名曰太液西京雜記

始元元年黃鵠下建章宮太液池帝乃作歌

曉樹流鶯滿

沈約詩開花已匝樹流鶯復滿枝

春堤芳草積

兩雅築土過水曰堤楚辭芳草兮萋萋王孫兮不歸

風色翻露文

王儉

詩風光承露色何遜詩寒潭見底清

雪花上空碧

庾信詩雪

風色極天淨鮑照賦常佇景而翻露

花深數丈冰床厚尺餘陳叔達詩雪花聯玉樹冰彩散

瑤池江淹水上神女賦野田而虛翠水湛湛而空碧

花蝶來未已

梁簡文帝首夏詩竹水俱蔥翠花蝶兩飛翔楊績安德山池宴集詩花蝶亂風影萍

藻含

山光暖將夕

陶潛詩山氣日夕佳

張文琮

貝州人高宗相文瓘之弟好自寫書筆不釋手貞觀中為侍書御史三遷亳州刺史

為政清簡永徽中拜戶

部侍郎出為建州刺史

同潘屯田冬日早朝

假寐懷古人

詩不遑假寐北史常景傳景經涉山水悵然懷古乃擬劉琨扶風歌十二首東京賦

慨長思而懷古傅亮為宋公脩張良廟序抒懷古之情存不刊之烈

夙興瞻曉月

詩夙興夜寐無

忝爾所生謝靈運詩夕慮曉月流朝忌曛日馳鮑照笑

答賦況明綵于宵波飛澄華于曉月王融春遊迴文詩

池蓮照曉月

通晨禁門啓

鮑照詩伐鼓早通晨漢書息

門李尤東觀銘升降三除貫啓七門藉田賦

冠蓋趨朝

前驅魚麗屬車鱗萃閭闔啓叅塗方駟

謁史記平準書冠蓋相望班固西都賦冠蓋如雲七相

播州詩閭門既趨朝承明還宴語北史房謨傳謨為新

豐令政為三輔最上嘉賜米物時雍州諸縣令每朔朝

謁上必呼恭懿至榻
前訪以化下之術

霜霽清九衢

謝靈賦霜氣斂霽夜
景激廓楚辭天問靡

蕩九衢象華安居頭陀寺碑文九衢之草千
計四照之花萬品沉約賦雕芳卉之九衢

霞光照雙

闕庾闡採藥詩霞光煥蘿靡虹景照參差張正見門有
車馬客行飛觀霞光啓重門平旦開曹植銅爵臺賦

建高門之嵯峨今浮雙闕乎太清又樂府閭闔啓丹扉
雙闕曜朱光孫楚韓王臺賦雙闕碣以峻峙貫雲氣而

上征鮑照樂府九塗平若水雙闕似雲

紛綸文物紀

高士

浮江淹詩雙闕開馳道朱宮羅第宅

傳井丹字大春博學高論京師為之語

煥爛聲明發

宋書

曰五經紛綸并大春左傳文物以紀之

傳隆傳隆轉太常太祖以新撰禮論付隆隆上表曰後

之學者未逮曩時而問難星繁充斥兼兩摛文列錦煥

爛可觀郭璞江賦鱗甲錯錯煥爛錦斑劉允濟明堂賦

崑山之玉樓偃蹇曾何髣髴滄海之銀宮煥爛安足期

翔左傳聲

腰劍佩陸離

音書張華傳少時有相者言吾出六十位登三事當得寶劍佩

之文中子衣裳襜如劍佩將如皆所以防其躁也楚辭

高余冠之岌岌兮長余佩之陸離注陸離參差衆貌又

紛總總其離合兮班陸離其上

鳴玉和清越

國語王孫圉聘于晉

定公饗之趙簡子鳴玉以相後漢書蔡邕傳舒紳緩佩

鳴玉以步綽有餘裕文心雕龍天子垂珠以聽諸侯鳴

玉以朝西征賦飛翠縷拖鳴玉以出入禁門者衆矣禮

記叩之其聲清越以長其終訕然樂也宋史樂志竹聲

清越失之則高顏延之詩

芬芳歇蘭若清越奪琳珪

王勃

字子安絳州龍門人文中子通之孫六歲善文辭未冠及第授朝散郎數獻頌闕下沛王

召署府脩撰諸王閭雜勃戲為文檄高宗斥之客劍南勃父福時生勃故左遷交趾令勃往省

父渡海溺水年二十八屬文初不精思先唐墨
數升引被覆面而卧忽起書之不易一字與楊
炯盧照鄰駱賓王齊名天
下稱王楊盧駱號四傑

山亭夜宴

桂宇幽襟積

楚辭桂樹叢生兮山之幽又桂棟兮蘭
橈又飲茵若之朝露兮構桂木以為室

山亭

涼夜永

潘岳秋興賦何微陽之短晷覺涼夜之方永謝靈
運羅浮山賦發潛夢於永夜若潮波而乘桴梁簡

文帝宮體詩無奈良

森沉野徑寒

鮑照銅山掘黃精詩銅
谿晝森沉乳竇夜消滴

夜永起登樓上頭

肅穆巖扉靜

晉書賀循傳循德量邃茂才鑒清遠歷試二
城刑政肅穆荀悅漢紀大會羣臣於長樂宮

成禮而罷

竹晦南河色

張融海賦鏡河色於鈔淶梁簡文
帝初秋詩卷幌通河色開窓引月

莫不肅穆

輝荷翻北潭影

徐陵鴛鴦賦拂荷戲而波散排荷翻而水落沈約賦池翻荷而納影風動竹而吹衣

清

興殊未歸林端照初景

張充與王儉書奇禽異羽或巖際而逢迎弱霧輕烟乍林端而掩藹

詠風

肅肅涼景生

水經注風穴其深不測而穴中肅肅常有微風

加我林壑清

謝靈運詩

林壑歛暝色

驅烟尋磴戶

孔稚圭北山移文磴戶摧絕無與歸石徑荒涼徒延佇

雲霞收夕霏

卷霧出山楹

晉書劉琨傳論勝氣籠霄飛談卷霧孔稚圭北山移文還飈入幕瀉霧出楹

去

來固無跡動息如有情日落山水靜為君起松聲

宋玉高唐

賦不見其底靈聞松聲南史陶

弘景傳特愛松風庭院皆植松

劉庭芝

一名希夷汝州人少有文華落魄不拘常格為人所害希夷善為從軍閨情詩詞旨

悲苦孫豈撰正聲集

以其詩為集中之最

嵩嶽聞笙

爾雅山大而高曰崧注今中嶽崧高山蓋依此名亦作嵩後漢祭祀志注

嶽者靈氣之所宅記纂淵海嵩山在登封縣

北漢武帝祠中岳聞神呼萬歲者三即此名

山志嵩高山者

五嶽之中岳也

月出嵩山東

詩月出皎兮又崧高維嶽駿極于天白虎通中央之岳居四方之中而高故曰嵩山

月明山益空

魏武帝詩月明星稀烏鵲南飛子夜歌秋夜涼風起天高星月明

山人愛清

景

左傳冰山人取之縣人傳之輿人納之隸人藏之淮南子山谷之人輕天下細萬物而獨往九歌山中人

兮芳杜若飲泉石兮蔭松栢
張華詩明月曜清景

散髮卧秋風

郭璞詩散髮蕩玄溜終年不華

皓漢武帝秋風辭

風止夜河清

宋玉高唐賦風止雨霽雲無處所詩倬彼雲漢

秋風起兮白雲飛

昭回于天注雲漢天河也昭光也回轉也

獨夜草蟲鳴

其光隨天而轉言雲漢者夜暗則天河明

王粲詩獨夜不能寐攝衣起撫琴謝瞻詩獨夜無物役

寢者亦云寧詩嚶嚶草蟲張華詩翔鳥鳴翠偶草蟲相

和吟仙人不可見

南史隱逸傳龔祈風姿端雅容止可觀

吟仙人不可見

范曄見之歎曰此荆楚之仙人也古詩

仙人騎白鹿

乘月近吹笙

晉書袁宏傳謝尚鎮牛渚秋夜乘月率爾與左右微服汎

江庾亮傳亮鎮武昌諸佐吏殷浩之徒乘月登南樓穆

天子傳吹笙鼓簧中心翔翔呂氏春秋墨子見荆王錦

衣吹

絳脣吸靈氣

陸羣咏笙詩管清羅袖拂響合絳脣吹管子靈氣在心一來一逝郭璞詩

燕昭無靈氣

玉指調真聲

古辭玉女羅生吹笛笙梁武帝子夜歌玉指調嬌絃唐書

漢武非仙才

秋氣和則

商聲調

真聲是何曲三山鸞鶴情

史記齊人徐市上書言海中有三神

山名曰蓬萊方丈瀛洲漢書三神山者諸仙人及不死之藥皆在焉其物禽獸盡白而黃金白銀為宮闕未至望之如雲既至三神山乃居水下臨之患且至風輒引之而去終莫能至潘岳笙賦摹鸞音以厲聲顧野王笙賦會別鶴昔去落塵俗有高世之度脫落塵俗願言於清商

聞此曲

詩願言則懷

今來卧嵩岑

詩昔我往矣楊柳依依今我來思雨雪霏霏魏書裴

衍傳伏見嵩岑極天苞育名草脩生救疾多遊此岫

何幸承幽音

吳筠詩代乏識疑者幽音誰與

神仙樂吾事

漢書郊祀志燕齊方士言有神仙祭祀致福之術者以萬數三輔黃圖長樂宮

論

有神仙殿左傳范宣子曰有陳非吾事也漢書酷吏傳王溫舒曰嗟乎今冬月益展一月足吾事矣

笙歌

銘夙心

後漢書趙壹傳惟君平叡平其夙心吳志周魴傳銘心立報永矣無貳

采桑

古樂苑相和曲陌上桑一曰艷歌羅敷行宋鮑照作采桑古今注陌上桑者出秦氏

女子秦氏邯鄲人有女名羅敷出採桑于陌

上趙王見而欲奪焉羅敷乃彈箏作歌以自

明樂府解題羅敷採桑為使君所

邀盛誇其夫婿為侍中郎以拒之

楊柳送行人青青西入秦

詩昔我往矣楊柳依依三輔黃圖灞橋在長安東跨水作

橋漢人送客至此橋折柳

贈別古詩青青河畔草

誰家采桑女樓上不勝春

上陌

桑日出東南隅照我秦氏樓秦氏有好女自名為羅敷

羅敷善蠶桑採桑城南隅又使君遣吏徒問是誰家姝

盈盈灞水曲

陌上桑盈盈公府步王臺卿陌上桑盈盈

十步步春芳綠

蕭子範羅敷行微步弄妖姿應璩與從

以翳日梁元帝詩處處

紅臉耀明珠

梁簡文帝樂府王貌歌紅臉長頻串

翠眉陳後主樂府紅臉桃花色客別重羞看晉書衛玠

人絳脣含白玉

張率羅敷歌含具開丹吻陸

回首渭

橋東

封禪文昆蟲凱澤回首面內一統志中渭橋在陝

里西渭橋在

遙憐春色同

謝朓詩宛洛佳遨遊春色滿

舊長安城西

皇州梁簡文帝詩春色映宮

來先發院邊梅沈約詩山先浮水至春色犯寒來徐陵

詩年芳袖裏出春色黛中安庾信詩春色方盈野枝枝

綻翠英

青絲嬌落日

陌上桑青絲以為籠桂枝為籠鈎

細綺弄春風

陌上桑細

綺為下袞紫

携籠長歎息遑遑戀春色

詩四牡駢駢周道遑遑江淹別

賦車遑遲

看花若有情

何遜詩對影獨含笑看花時轉側

倚樹疑無力

于山側

莊子倚樹而吟攬槁梧而暝徐陵長干寺碑遊巖倚樹

宴坐經行蕭子顯采桑詩挂筐須葉滿息倦重枝陰

薄暮思悠悠

廣雅日將落日薄暮漢書呂后傳戚夫人歌云終日春薄暮陸機詩薄暮不遑暝

使君南陌頭

後漢書寇恂傳使君建節銜命以臨四方陳後主采桑詩南陌競相隨

相逢

不相識歸去夢青樓

傅休奕艷歌行青樓臨大巷幽門結金樞徐伯陽羅敷艷歌青樓含

照本

暉暉

孤松篇

蠶月桑葉青

詩蠶月條桑顏延之詩蠶月觀時暇桑野多經過詩桑之未落其葉沃若四民月令

三月昏參星夕杏花盛桑葉白梁簡文帝詩薄晚畏蠶饑競采春桑葉

鶯時柳花白

禮記仲春

之月倉庚鳴庚肩吾春日詩桃紅柳絮白照日復隨風

澹豔烟雨姿敷芳陽春陌

陳後主樂府爭弄遊春陌相邀開繡戶

如何秋風起

漢武帝秋風辭秋風起兮白雲飛草木黃

落兮雁南歸 零落從此始

禮記仲夏行秋令則草木零落果實早成鹽鐵論秋蓬被霜遭風則

零落 獨有南澗松

詩于以采蘋南澗之濱周景式廬山記石門北巖有數百樹松攢生絕崖上南

臨石門澗澗中仰視之離離如駢塵

不嘆東流水

書導沅水東流為濟呂氏春秋水泉東流日夜

不休後漢書禮儀志上已官民皆繫于
東流水上曰洗濯後除去宿垢疾為大絜
玄陰天地冥

王

七釋農功既登玄陰戒寒謝惠連雪賦玄陰凝不昧其

潔太陽曜不固其節神仙傳帝問葛仙公曰百姓思雨

寧可得乎曰雨易得乃書符著社
皓雪朝夜零

庚肅之

中一時之間天地晦冥大雨流注
雪蒼霰

雨馭灑皓雪其霏謝惠連
豈不罹寒暑

易寒暑相推而

雪賦憑雲升降從風飄零
歲成焉詩二月

初吉載
為君留青青

莊子受命于地惟松栢

青青好顏

離寒暑
為君留青青

獨也正正在冬夏青青

青青好顏

色落落任孤直
孫綽遊天台山賦蔭落落落之長松沈約

寒松詩喬幹凌雲直隋煬帝古松詩孤

生小
羣樹遙相望

謝靈運詩羣木既羅戶衆山

衆草不

庭裏
羣樹遙相望

亦對窓古詩兩宮遙相望

衆草不

敢逼
左傳松栢之下其草不殖陶潛

靈龜卜真隱

易舍

詩青松在東園衆草沒其姿

龜說苑靈龜五色似玉似金淮南

仙鳥宜棲息

神境記
榮陽郡

子千年之松上有叢蒼下有伏龜
南有石室室後有孤松千丈常有雙鶴晨必
接翮夕輒偶影白帖鶴千歲棲于偃蓋松

耻受秦帝

封

漢官儀秦始皇上封泰山逢疾風暴雨賴得松樹因
覆其下封為五大夫庾信詩水奠三川石山封五樹

松

願言唐侯食

史記五帝紀注堯年十六以唐侯為天
子列仙傳倕佺好食松實體毛數寸能

飛行逐走馬以松子遺堯堯
不服時受服者皆三百歲

寒山夜月明山冷氣清清

張協七命寒山之桐出自大冥

淒兮歸鳳集

謝朓高松賦集九仙之羽
儀棲五鳳之光景庾信枯

樹賦將雛集
鳳比翼巢鸞

吹之作琴聲

琴歷琴曲有風入松謝朓高
松賦懷風音而送聲當月路

而留

松子卧遥岑

列仙傳赤松子神農時雨師服水
玉散能入火自燒隨風雨上下

寂

影

聽疑野心

鮑照蕪城賦凝思寂聽心傷已摧
江淹詩寂聽積空意凝望信長懷

清泠有真

曲

山海經豐山神耕父處之常遊清泠之淵劉楨黎陽
山賦雲興風起蕭瑟清泠葛洪詩洞音泠泠風佩清

樵采無知音

戰國策昔者秦攻齊令有敢去柳下季壟
五十步而樵採者死不赦謝朓詩樵采咸

共同荆莎聊可藉列子伯牙善鼓琴志在高山鍾子期
稱曰我我然若泰山志在流水曰洋洋然若江河子期

死伯牙絕絃

美人何時來

詩云誰之思西方美人離騷
惟草木之零落兮恐美人之

以無知音者

遲暮江淹擬怨別詩日

幽徑委綠苔

郭璞江賦綠苔鬢
髣乎研上謝莊月

暮碧雲合佳人殊未來

賦綠苔生閣芳塵凝樹沈

吁嗟深澗底

左思詩鬱鬱澗
底松離離山上

約詠月詩應門照綠苔

苗棄捐廣厦材

班婕妤團扇詩棄捐篋笥中恩情中道
絕王褒四子講德論大厦之材非一丘

之木潘尼詩崑山積

瓊玉廣廈構衆材

盧崇道

睿宗朝為太常卿坐茸崔湜流
嶺南後私還都下事敗勅杖

新都南亭別郭大元振

元和志新都縣南至成都府四十八里本漢舊

縣也屬廣漢郡開皇十八年改為興樂縣武
德二年分成都縣地重置一統志新都縣在

成都府北

六十五里

竹徑女蘿蹊

梁昭明太子五月啓追涼竹徑托蔭松間
徐陵詩竹徑蒙籠巧茅齋結構新詩薦與

女蘿傳女蘿兔絲松蘿也安

蓮洲文石隄

漢書溝洫志
據堅地作石

世房中歌豐草萋女蘿施

隄勢必完安又梅福

靜深人俗斷

庾信思舊銘閨深
夜靜風高月寒

尋

傳願一登文石之陞

翫往還迷

左貴嬪感離詩披省所賜告尋翫悼離詞文心雕龍木沓水匝樹襟雲合目既往還心亦

吐納碧潭透初月

南史隱逸傳論碧澗清潭翻成麗矚劉魏新論懸瀨碧潭瀾波洶湧鮑照詩初

月波中上盧思道詩初月正如鈎懸先入綺樓

素林驚夕棲

梁元帝晚棲鳥詩日暮連翻翼俱向

上林棲褰幌納鳥侶

梁簡文帝初秋詩卷幌通河色開窓引日暉謝朓離夜詩離堂華燭盡別

幌清琴哀張融賦合聲鳴侶並翰翻羣左思蜀都賦鴻傳鵲侶注水鳥多羣飛故言儔侶也宋江夏王義恭詩

悲鴻失良匹俯仰戀舊侶

罷琴聽猿啼

蕭顯夜猿啼詩掛月影才通猿啼迥入風

佳辰改

宿昔

漢樂府遠道不可思宿昔夢見之阮籍詩攜手等歡愛宿昔同衾裳

勝寄在睽携

王融

與劉虬書層山絕澗還帶畿畎膏田沃野亘望廡塵信可以招徠隱淪棲集勝寄謝靈運詩即事怨睽携感物

方懷

長懷賞心愛

荀祖擬古詩上言各努力下言長相

謝靈運擬魏

太子詩序天下良辰美景賞心樂事四者

難并又詩永絕賞心望長懷莫與同沈約詩寄言賞心

客歲暮

如月復如珪

江淹別賦
秋月如珪

爾來同

李嶠

字巨山趙州贊皇人弱冠擢進士第始調安
定尉舉制策甲科武后時官鳳閣舍人每有

大手筆皆特命嶠為之累遷鸞臺侍郎知政事

封趙國公景龍中以特進守兵部尚書同中書

門下三品睿宗立出刺懷州明皇貶為滁州別

駕改廬州嶠富於才思初與王楊接踵中與崔

蘇齊名晚諸人沒獨為文章

宿老一時學者皆取法焉

秋山望月酬李騎曹

唐六典左右金吾衛
騎曹參軍事六人

愁客坐山隈

管子平原之隈奚有於高大山之隈奚有於深潘岳文朝濟洛川夕次山隈

懷

抱自悠哉

王羲之蘭亭脩禊叙或取諸懷抱晤言一室之內謝靈運詩懷抱觀古今隋書隱逸傳序

放情宇宙之外

况彼高秋夕

潘岳秋興賦天晃朗而彌高謝混秋夜長賦夜既分

自足懷抱之內

而氣高何瑾悲秋夜賦天寥廓兮高寒

明月正徘徊

曹植詩明月照高樓流先正徘徊

亭

亭出迥岫

陶潛歸去來辭雲無心以出岫

皎皎映層臺

老子合抱之木生於毫末九層

之臺起

色帶銀河滿

白帖天河謂之銀漢亦曰銀河江總歌織女今夕渡銀河當見新秋

於累土

停玉

光含玉露開

潘岳賦月腫朧以含光兮露淒清以凝冷梁昭明答湘東王書玉露夕流

梭

金風時扇簡文帝南郭

白雲籠影度

劉孝綽詩月色度雲來夏侯湛賦月翳

頌金車出野玉露霑墀

翳以隱雲時
龍籠以投光

虛暈抱輪迴

淮南子畫隨灰而月暈闕注有軍士相圍守則月暈以蘆

灰環闕其一面則月暈亦闕於上
庚信詩星芒一丈燄月暈七重輪

谷邃涼陰靜

王僧達文涼陰

掩軒娥

山空夜響哀

何承天巫山高樂府山中夜響晨猿相和鳴

寒催數雁

月寢耀

過禮記季秋之月鴻雁來賓盧風送一螢來禮記季夏思道賦南翔衡陽避祁寒也

為獨軫離居恨

禮記吾離羣而索居亦已久矣張衡賦悲離居之勞心兮情眷眷而思歸

遙

憶故人杯

謝朓詩山川不可盡況乃故人杯

早發苦竹館

一統志苦竹嶺在祁陽縣東一百七十里山多苦竹李白詩纔登苦

竹嶺復愁

金沙泉

合沓巖嶂深

王褒洞簫賦注合沓重沓也謝靈運登廬山絕頂詩巒有合沓往來無蹤轍謝朓

遊敬亭山詩茲山亘百里合沓與雲齊沈約詩合沓共

天隱叅差互相望水經注巖嶂峻險世說謝康樂尋山

陟嶺必造幽峻巖**朦朧**烟霧曉潘岳秋興賦月朦朧以

嶂千重莫不遍歷**朦朧**烟霧曉含光兮露淒清以凝冷

北史蕭大圜傳近瞻烟霧遠睇風雲**荒阡下樵客**沈約

鮑照詩短翮不能飛徘徊烟霧裏**荒阡下樵客**宿東

園詩野徑既盈紆荒阡亦交互王僧孺詩序或**野猿驚**

蹲林卧石藉卉班荆不過野峻田老漁父樵客

山鳥北山移文山人去兮曉猿驚鹽鐵論曾子倚山而

吟山鳥下翔師曠鼓琴百獸率舞劉勰新論漢順

帝聽山鳥之音云勝絲竹之響如藍記叙野獸穴於**開**

荒階山鳥巢於庭樹嵇康詩魚龍澆潯山鳥群飛

門聽潺湲

後漢書馮異傳光武為司隸校尉道經父城異等開門奉牛酒迎又丁鴻傳開門教授楚

辭九歌觀流水以潺湲枚乘七發滂汨潺湲波揚流灑
 張衡賦亂弱水之潺湲兮迨華陰之湍者謝靈運入華
 子岡詩且申獨往

入徑尋窈窕

郭璞江賦潛達旁通幽
 岫窈窕謝靈運山居賦

意乘月弄潺湲

濬澗潭而窈窕棲巖抱寒木

莊子夫逃空虛者藜藿柱
 乎鼪鼯之徑廣韻鼪似鼠

一曰飛生亦作鵲蛭張衡西京賦超殊搏帶飛鼪廣韻
 帶庭結切謂捎取之也水經注猿狖驚心寒木被潭梁

簡文帝登城詩靡靡
 見虛烟森森視寒木

流螢飛暗篠

沈約賦流螢暗明燭
 雁聲斷裁續王筠秋

夜詩流螢漸收火絡緯欲催機庾信詩池水朝含墨流
 螢夜聚書梁簡文帝詩隔簾陰翠篠廣韻篠先鳥切細竹

也
 早霞稍霏霏

何遜曉發詩早霞麗初日清風消薄霧
 楚辭雲霏霏而承宇謝靈運詩林壑歛

暝色雲霞

殘月猶皎皎

詩月出皎皎兮傳武仲舞賦夫何
 皎皎之閑夜兮明月爛以施光

收夕霏

庚肩吾詩月皎疑非夜林疎似更

行看遠星稀

魏武帝詩月明

秋嵇康詩皎皎亮月麗于高隅

星稀謝朓京路夜發詩曉星正寥落晨光

漸覺遊氛少

復養萍梁簡文帝詩天霜河白夜星稀

潘岳秋興賦游氛朝興槁葉夕墮

我行撫輅傳

廣韻輅市昭切

陶潛詩露凝無遊氛天高甫景散使車南史陳伯之傳佩紫懷黃讚帷幄之謀乘輅建節

奉疆場之任鮑照詩乘輅實金羈當爐信珠服漢書京

房傳房為魏郡太守自請願無屬刺史約歲竟乘傳奏

事漢書平帝紀徵天下通知逸經古記天文厯算鍾律

小學史篇方術本草及以五經論語孝經爾雅教授者

在所為駕一封輅傳遣詣京師釋名傳郵傳也人所止

息去後人復來轉

兼得傍林沼

庾信邛竹杖賦摘芳林沼行樂軒除

貪翫

水石奇

宋書隱逸傳論巖壑間遠水石清華水經注靈石傑處臨江壁立霞駁有若續焉水石驚瀨傳

響不絕 不知川路渺

周禮地官遂人萬夫有川川上有路以達于畿湛方生帆入南湖詩白沙

淨川路青松蔚巖首謝惠連汎南湖詩軌息陸途初柵鼓川路始謝莊月賦臨風歎兮將焉歇川路長兮不可

越徒憐野心曠

淮南子有野心者不可借便勢有愚質者不可與利器晉書向秀傳嵇意遠而

疎呂心曠而放

詎惻浮年小

莊子小知不及大知小年不及大年

方解寵辱情

老子

寵辱若驚謝朓酬德賦離寵辱于

永託累塵表

南史阮孝緒傳

毀譽王融法樂辭寵辱誰為心

願迹松子于瀛海追許由于窮谷以免塵累晉書王戎

傳戎有人倫鑒識常目王衍神姿高徹如瑤林瓊樹自

是風塵

表物

宋之問

字延清汾州人偉儀觀雄于辨甫冠武后召與楊炯分直習藝館有集十卷

夜飲東亭

春水鳴大壑

莊子諄芒將東之大壑
遶遇苑風于東海之濱

皓月吐層岑

謝莊月賦

懸皓月而長歌

說 岑壑景色佳慰我遠遊心

楚辭願輕舉而遠遊

文 山小而高曰岑

張衡賦喬松高峙孰能離結精遠遊使心

暗芳足幽氣

攜曹植遠遊篇遠遊臨四海俯仰觀洪波

家語芝蘭生於深林不以無人而不芳梁簡文帝夜遊

北園詩暗花舒不覺明波動見流拾遺記洞庭山有靈

洞采藥之人入行十里迥驚棲多衆音高興南山曲

殷仲

然天清霞耀花芳柳暗

文 詩獨有清秋日能使高興盡詩南山有臺北山有萊

高士傳法真恬靜寡欲太守欲以功曹相屈真曰若欲

吏之真將在北山

長謡橫素琴

說文謡徒歌也晉書陶潛傳不解音而蓄素琴

之北南山之南矣

一張弦
徽不具

雨從箕山來

史記伯夷傳余登箕山其上盖有許由冢云元和志許由山在告成

縣東南十二里記纂淵海箕山在登封縣東許由居此一統志在登封縣東南三十里一

名嶠
嶺

雨從箕山來

管子五政順時春雨乃來陶潛讀山海經詩微雨從東來好風與之俱朱超詩落照

依山盡浮涼帶雨來道書東龍門之南有許由山高大四絕其北有潁水堯聘許由處

倏與飄風

度

詩飄風自南傳飄風迴風也老子飄風不終朝楚辭九歌令飄風兮先驅使凍雨兮灑塵精明西

峰日

曹植詩東北望吳野西眺觀日精一統志倚箔山在登封縣西望如立箔

綠縵南溪樹

後漢書延篤傳草木之生始于萌芽終于摘蔓枝葉扶
踈榮華繁縟末叔桐賦越衆木之薰陶勝離樹之藻縟
劉琨詩綠葉繁縟柔條脩罕一統志潁水在登
封縣西四十里有三源出少室南溪為右源
此時客

精廬

左傳圖之此為時也後漢儒林傳注精廬講習之
舍高僧傳晉沙門惠遠見廬峯清淨足以息心始

住龍泉精舍又惠遠於廬山集

幸蒙真僧顧

孫綽天台賦應真飛

一時名士高僧於般若臺精舍
錫以躡虛無量壽經慧眼見真能度彼岸傳燈錄真
如有變易如回無明作大智之類廣韻僧沙門也
深

入清淨理

詩駢彼飛隼疏以興彼武勇之衆能深入於
敵謝靈運王子晉讚王子愛清淨區中實囂

喧真見浮丘公與爾共續翻寶林語

妙斷往來趣

書惟
克果

錄佛告迦葉曰吾清淨法眼以付汝

斷乃罔後艱吳志三嗣主傳注疇咨俊茂好謀善斷易
小往大來吉亨則是天地交而萬物通也上下交而其

志同也禮記禮尚往來往而不來非禮也來而不往亦非禮也

意得兩契如

謝靈運辨宗論一悟

得意之論又累盡

言盡共忘諭

易書不盡言言不盡意國語惟善人能受盡言

則無誠如符契

辨宗論同遊諸道人並業心神道求鮮言外人物志

觀

善諭者以一言明數事漢書京房傳上謂房曰已諭

花寂不動

圓覺經譬彼病目見空中花五燈會元世尊在靈山會上拈花示衆是時衆皆寂然維摩

詰經天女以天花散諸菩薩即皆墮落至大弟子便著不墮天女曰結習未盡故花著身結習盡者花不著身

聞鳥懸可悟

五燈會元昔有僧因看法華經至諸法從本來常自寂滅相忽頓不決行住坐卧每

自體究都無所得忽於春月聞鶯聲頓然開悟

向夕聞天香

陶潛詩向夕長風起寒雲沒西山庚

信浮圖詩天香下

淹留不能去

淮南王招隱士攀援桂枝兮聊淹留史記孔子

桂殿仙梵入伊笙

世家賁予低回
留之不能去云

初至崖口

水經注伊水歷崖口山峽也歷峽北流即古三塗山也有七谷水注之

崖口衆山斷

法言升東岳而知衆山之蔚蒨也况介丘乎謝靈運詩羣木既羅戶衆山亦對窓

嶽嶽聳天壁

沈炯賦其山則嶽嶽氣衝落日紅謝靈運撰

晴于落日起明光于躋月隋

影入春潭碧

春江花月夜夜露含花氣

煬帝詩菱潭落日雙鳬舫

錦續織苔蘚

小爾雅雜綵曰續孔叢子錦續紛華所服不過溫體新論雕文刻鏤

月輝

傷於農事錦續暴組害於女紅蔡邕琴瑟賦采若錦續

平若停水吳都賦簡其華實則飢費錦續廣志空室無

人行則

丹青畫松石

孝經疏洛龜曜書丹青垂萌漢書

生苔蘚

蘇武傳竹帛所載丹青所畫揚子

聖人之言炳若丹青張綱集書功金石圖形丹青子虛

賦其土則丹青赭堊雌黃白珩王少頭陀寺碑漢晉兩

明並勒丹青之飾阮籍詩丹青著明誓永世不可忘宋

書蕭思話傳從太祖登鍾山北嶺中道有盤石清泉上

使于石上彈琴因賜以銀酒鍾謂曰相賞有松

石間意頗延之曲水詩序松石峻絕葱翠陰烟

容與洛神賦鯨鯢踊而夾轂水禽翔而為衛謝靈運鸛

如傳弭節徘徊翱翔客與離騷聊巖花飛的礫王勃詩

逍遙兮容與何遜詩逸翮起客與

花白梨疎

微路從此深郭璞賦越南山之高我來限于

林葉紅

役詩君子于役不知其期曷至哉謝惆悵情未已後漢

賦詩于役倘有期鄂渚同遊行

衍傳風濤飄其並興兮情惆悵以增傷晉書習鑿齒傳

徘徊移日惆悵極多九辯廓落兮羈旅而無友生惆悵

兮而私自憐。魏武帝樂府：夜夜安得寐，惆悵以自憐。陶潛歸去來辭：既自以心為形役，奚惆悵而獨悲。

羣

峰黯將夕

謝靈運山居賦：羣峰參差，出其間連岫複陸。成其坂陶潛詩：涼風起將夕，夜景湛虛明。又

遊斜川序：魴鯉躍鱗于將夕，水鷗乘和以翻飛。顏延之詩：息徒顧將夕，極望梁陳分。劉孝綽詩：壺人告漏晚，烟霞起將夕。

入崖口五渡寄李適

水經注：潁水又東，五渡水注之。其水東流，南陽城西。

石溜縈委，溯者五涉。故亦謂之五渡水。

抱琴登絕壑，棧木泝清川。

廣韻：大曰棧，小曰桴。乘之渡水。曹植文：振冠南岳，濯纓清

川。陸雲九愍詔：河馮以清。川命湘娥以安流。

路極意謂盡

潘岳詩：路極悲有餘。

勢迴趣

轉綿

謝靈運詩川渚屢經復乘流翫迴轉班彪北征賦涉長路之綿綿兮遠紆迴以膠流又靈運詩巖峭

嶺稠疊洲

人遠草木秀

詩具室則適其人甚遠

山深雲影鮮

史記貨殖

紫渚連綿

傳淵深而魚生之山深而獸往之謝

余負海嶠情

爾雅山貌

靈運詩雲日相輝映空水共澄鮮

而高曰嶠謝靈運有登

自昔微尚然

謝靈運詩伊余秉微尚拙訥謝浮名

臨海嶠初發疆中作

彌曠逾十載

劉楨詩自夏涉玄冬彌曠十餘旬

今來宛仍前未窺仙源

極獨進野人船

陶潛桃花源記桃花林夾岸數百步漁人欲窮其林林盡水源便得一山山有

小口髣髴若有光便捨船從口入

時攀乳竇甜

水經注易水又東逕乳山北山下有鍾乳穴

出佳乳廣韻竇穴也鮑照詩銅谿畫森沉乳

竇夜消滴江淹詩乳竇既滴漉丹井復寥泝屢薄天窓

眠書外薄四海疏薄者逼近之意漢官儀泰山盤道屈曲而上凡五十餘盤經小天門大天門仰視天門如

從穴中窺天窓矣王延壽魯靈光殿賦懸棟結阿天窓綺疏注天窓高窓也庾信步虛詞天窓影迹深

夜

絃響松月朝揖弄苔泉因冥象外理

孫綽遊天台山賦散以象外之說暢

以無生之篇梁武帝捨道歸釋文

永謝區中緣

謝靈運江中孤

啓瑞迹于中天爍靈義于象外

嶼詩想像崑山

碧潭可遺老

劉勰新論懸瀨碧潭瀾波洶涌傳殺舞賦娛神遺老

安緬邈區中緣

永年

丹砂堪學仙

抱朴子臨沅廖氏世世壽考後徙去他人居之復多壽考疑其井水赤掘

之得古人所理丹砂數十斛本草丹砂久服通神明不老史記封禪書黃帝且戰且學仙隋書王貞傳仰而不

至方見學仙之遠窺而不覩始知遊聖之難

莫使馳光暮

曹植詩美明月之馳光顧征禽之駛

翼江總樓霞寺碑項日流影東方韜其大明面月馳光
西照匿其成魄曄曄虞思遊賦感昆吾之易越兮懷暉光
之速
暮空為歸鶴憐
搜神記丁令威化鶴歸遼集城門華表柱言曰有鳥有鳥丁令威去家千

年今始歸

薛稷

字嗣通汾陰人擢進士第景龍中昭文館學士睿宗立拜中書侍郎叅知機務歷太子少

保以翊贊功封

晉國公工書畫

早春魚亭山

兗州志魚亭山在兗州府魚臺縣即魯公觀魚處

春氣動百草

爾雅春為青陽注氣清而溫春秋繁露春氣愛漢書律歷志少陽者東方也東動也

陽氣動物于時為春春蠢也物蠢生迺動運禮記孟春之月天氣下降地氣上騰天地和同草木萌動莊子春

風發而百草生史記律書

紛榮時斷續

爾雅木謂之華草謂之榮張衡

孟春冰泮發蟄百草奮興

歸田賦百草滋榮陶潛詩草榮識節

白雲自高妙

詩英

和王融詩烟霞乍卷舒蘅芳時斷續

雲陶弘景詩山中何所有嶺上多

徘徊空山曲

應瑒詩

白雲文心雕龍孔融體氣高妙

何鄉戢翼正徘徊楊師道詩

陽林花已紅

周禮注陽木生于山南也

芳草無行逕空山正落花

孫綽天台賦惠風佇芳于陽林左

寒澗苔未綠

鮑照詩

思詩白雲佇陰岡丹葩曜陽林

澗陰馬懷素詩映

伊余息人事

晉書王長文傳閉門自守不交人事庾信詩野

水輕苔猶隱綠

情風月曠山

蕭寂無營欲

世說韓康伯門庭蕭寂居然有名士風流嵇康詩與世無

心人事疎

營神氣晏和論衡老子恬淡無欲養

客行雖云遠

鮑照

精愛氣束哲詩堂堂處子無營無欲

行惜日月魏武帝樂府行行
日已遠曹植詩悠悠遠行客
翫之聊自足

晉書紀瞻傳
園池竹木有

足賞
翫焉

邢象玉

爵里
無攷

古意

家中酒新熟

庾信詩跋窓催酒熟胡
思耽詩甕中酒新熟

園裏木初榮

陶潛
停雲

詩序罇湛新醪園列初榮又
歸去來辭木欣欣以向榮

停杯欲取醉

魏文帝樂府
嘉肴不嘗旨

酒停杯拙康家

悵然思友生

詩矧伊人矣不求友生楚
辭廓落兮羈旅而無友生

誠取醉為佳

陶潛詩叩世新秋

忽聞有奇客

晉書謝安傳桓溫請安
為司馬既到溫甚喜歡

月臨流別友生

笑竟日既出溫問左右
頗嘗見我有此客否

何姓復何名

楚辭問其姓名不告而退陶潛五柳

先生傳先生不知何許人也亦不詳其姓氏

嗜酒陶彭澤

晉書陶潛傳潛字元亮少懷高尚穎

脫不羈性嗜酒而家貧不能恒得親舊知其如此或置酒招之造飲必醉為彭澤令在縣公田志令種秫曰今

吾常醉於

能琴阮步兵

晉書阮籍傳籍字嗣宗嗜酒善彈琴嘗聞步兵營厨人善釀貯

酒三百斛遂求為步兵校尉

何須問寒暑

詩載離寒暑水經注元帝廣求方士漢中送道士王

仲都詔問所能對曰能忍寒暑

徑共坐山亭

庾信思舊銘序嵇叔夜之山亭尚多楊柳王子猷之

舊徑惟餘竹林舉袂祛啼鳥

包明月詩將曙與未曙百鳥啼窓前

揚巾掃落英

離騷

朝飲木蘭之墜露兮夕餐秋菊之落英左思蜀都賦敷蕊藏蕤落英飄颻

心神無俗累

左思詩聊

可瑩心神

歌詠有新聲

阮籍樂論不逮也沈約

梁雅樂歌或風或雅流

歌詠史記李延年傳善歌為變新聲張衡南都賦彈箏吹笙更為新聲古詩彈箏奮逸響新聲妙入神

新

聲是何曲滄浪之水清

書嵇家導漾東流為漢又東為滄浪之水楚辭滄浪之水清兮

可以濯

我纓

蘇頌

字廷碩瓌之子幼敏悟一覽千言輒覆誦擢進士第調烏程尉舉賢良方正歷脩文館學

士中書舍人明皇愛其文由紫微侍郎知政事

與李又對掌書命帝曰前世李嶠蘇味道文擅

當時號蘇李今朕得頌及又何愧前人襲父封

爵號小許公謚文憲頌與燕國公張說稱望略

等世稱

燕許

昆明池宴坐王兵部珣見示以三韻因而有答

漢書武帝紀元狩三年滅隴西北地上郡戍卒半發謫吏穿昆明池注西南夷傳越雋昆明國有滇池方三百里漢使求通身毒國為昆明所閉欲伐之故作昆明池象之以習水戰在長安西南周回四十里長安志昆明池在長安縣西二十里沈約詩荒渠集野鴈安用昆明池

畫舸疾如飛

梁元帝詩蓮舟夾鶴驚畫舸覆緹油詩王旅咻咻如飛如翰

遙遙泛夕

暉石鯨吹浪隱

廣韻鯨渠京切大魚也三輔舊事清淵北有鯨魚刻石為之長三文西京雜記

昆明池刻玉石為鯨魚每至雷雨常鳴吼鬣尾皆動任希古昆明池應制詩回眺牽牛渚激賞鏤鯨川

玉

女步塵歸

班固西都賦臨乎昆明池左牽牛而右織女注漢官闕疏曰昆明池有二石人牽牛織女

象張衡東京賦牽牛立其左織女處其右魯靈光殿賦神仙岳岳于棟間玉女窺窓而下視洛神賦凌波微步

羅襪

獨有銜恩處明珠在釣磯

三秦記昆明池昔有人釣魚綸絕而去遂通夢

生塵

于漢武帝求去鈎帝明日戲於池見大魚銜索取而放之

間三日池邊得明珠一雙帝曰豈非魚之報耶廣韻石

激水曰磯陸雲詩銜恩

卜園納涼即事

徐陵詩納涼高樹下直坐落花中

煩暑避蒸鬱居閒習高明

潘岳有閒居賦禮記仲夏之月可以居高明可以遠眺望

長風自遠來

晉書宗慤傳叔父問所志慤曰願乘長風破萬里浪

層閣有餘清

鮑照

詩層閣肅天居
馳道直如髮

散灑納涼氣蕭條遺世情

楚辭山蕭條而無獸兮野

寂寞其無人陶潛詩泛
此忘憂物遠我遺世情

奈何誇大隱

晉書郝愔傳論方回奕世登台露冕

為飾援高人以同志抑惟大隱者歟
王康琚詩小隱隱陵數大隱隱朝市

終日繫塵纓

孔稚圭北

山移人昔聞投簪逸海
岸今見解蘭縛塵纓

奉和聖製登蒲州逍遙樓

唐明皇帝集御製登蒲州逍遙樓詩一首

唐書地理志河中府河東郡本蒲州通鑑唐

開元九年春正月丙辰改蒲州為河中府置

中都官僚一準京兆河南六月己卯罷中都

復為蒲州記纂淵海蒲州春秋晉蒲坂地後

魏為河東郡後周改蒲州唐屬河東道一統

志山西平陽府蒲州在府城西南四百五十

里夢溪筆談蒲中道
送樓楣上有唐人書

在昔堯舜禹遺塵成典謨

詩自古在昔先民有作書堯
典曰若稽古帝堯舜典曰若

稽古帝舜大禹謨曰若稽古大禹陸機演連珠臣聞世
之所遺未為非寶魏都賦魏地者前王之桑梓列聖之
遺塵孔安國書序典謨訓誥誓命之

聖皇東巡狩

書睿
作聖

文庚信詩止戈興禮樂脩文盛典謨
獨斷上古天子庖犧氏神農氏稱皇晉書張纘傳配聖
皇以邁迹豈商周之比隆又樂志嘉瑞出靈應彰降繁
祉祚聖王書歲二月東巡
狩孟子巡狩者巡所守也

况乃經此都

記纂淵海河東
古為虞舜都開

元中改河中
府陞中都

樓觀紛迤邐

後漢書梁冀傳發屬縣卒徒
繕脩樓觀數年乃成王羲之

帖成都城池門屋樓觀皆是秦時司馬錯所脩
梁簡文帝從軍行迤邐觀驚翼參差觀雁行

山河幾

綦紆

通鑑魏武侯浮西河而下中流顧謂吳起曰美哉山河之固也記纂淵海歷山在州南即舜耕處又

龍門山在河東縣西即禹鑿通黃河處黃河在州西門外入河南境又鵝汭水在縣北堯釐降二女於此子虛

賦其山則盤紆靡鬱隆崇峯峯西都賦步甬道以綦紆沈約釣竿詩桂舟既容與綠浦復回紆緬懷祖

宗業

書允懷于茲詩明發不寐有懷二人陶潛畫贊緬懷千載托契孤遊長慶集本注武德中始作秦皇

破陣樂以歌太宗之功業漢書相繼文武圖禮記夫孝

宣帝紀論功光祖宗業垂後嗣者善繼人之志善述人之事者也書丕顯哉文王謨丕承哉武王

烈又惟懷永圖陸機文賦濟文武于將墜宣風聲于不泯任昉書聖圖睿範歌思是歸孔稚圭尚德既無險禮

上新定法律表躡歷登皇乘圖踐帝尚德既無險記先王尚有德尊有道任有能蔡邕陳仲弓碑由其模範

從其趣尚易林安仁尚德易王公設險以守其國又屯

利貞注大亨則无險故利貞後漢書

觀風諒有孚

禮記命太

先武帝紀贊金湯失險車書共道

師陳詩以觀民風左傳天子省風以作樂易觀有孚顯

若又有孚發若信以發志也謝靈運送孔令詩餞宴光

有豈如汾水上通鑑漢元鼎四年冬十月上自夏陽東

上親望拜漢武帝故事帝行幸河東祠后土顧視帝京

忻然中流與羣臣飲燕帝歡甚乃自作秋風詞曰泛樓

船兮濟汾河橫中流兮揚素波阮籍詩東南有

射山汾水出其陽謝朓詩遺情汾水垂冕鴻宮

遊娛書下管鼗鼓詩樂舞笙鼓樂既和奏秋風詞蕭鼓

鳴兮發棹歌梁元帝南岳碑簫鼓騰空烟霞相接

星辰奪采燈燭非明潘岳詩嬉娛絲竹撫髀舞韶

阮瞻上巳會詩臨清川而嘉讌聊假日以遊娛

張說字道濟洛陽人武后策賢良方正說所對第

一授左補闕擢鳳閣舍人忤旨配流欽州中

宗召還累遷工部兵部侍郎脩文館學士睿宗
拜為中書侍郎知政事開元初進中書令封燕
國公尋出刺相州左轉岳州召拜兵部尚書知
政事勅令巡邊後為集賢院學士尚書左丞相
卒諡文貞說為人敦氣義重然諾朝廷大述作
多出其手與蘇頲號燕許大手筆謫岳州後詩
益悽惋人謂
得江山之助

早霽南樓

全唐詩作岳陽早霽南樓范致明岳陽風土記岳陽樓城西門樓也下瞰

洞庭景物寬闊唐開元四年中書令張說除

守此州每與才士登樓賦詩自爾名著其後

太守于樓北百步復

創樓名曰燕公樓

山水佳新霽

左思詩山水有清音爾雅雨止為霽

南樓翫初旭

廣雅日初出曰旭

夜來枝半紅雨後洲全綠四運相終始

阮籍大人先生傳飄飄於四運

翺翺乎八隅陸機詩四運循環轉寒暑自相承

萬形紛代續

易品物流形世說殷謝諸人共集謝

因問殷眼德屬萬形萬形來入眼不陸雲詩類聚百族羣分萬形

適臨青草湖

一統志青草湖

在湖廣岳州府一名巴丘湖北連洞庭南接瀟湘每秋

夏水泛與洞庭為一水涸則此湖先乾青草生焉張志

和漁歌青草湖中月正

再鼓黃鶯曲

毛詩草木蟲魚疏黃鳥黃鸝也或

圓巴陵漁父棹歌連

謂之黃栗留幽州謂

地穴穿東武

武疑作吳漢書包山

之黃鶯一謂之黃鳥

所不通號為地脉山海經洞庭穴在長沙巴陵按今吳

縣太湖內洞庭山有穴通洞庭湖為道家林屋洞天東

武乃漢縣名在今山東青州府諸城縣境通典漢有

東武郡今高密諸城縣是也無地穴通楚武應為吳江

流下巴蜀

巴一作西水經岷山在蜀郡郫縣大江所出
皆確類書岷江瀘維渝四水為蜀四大川故

名四川總名曰西蜀岳陽風土記荆江出巴蜀自高注

下濁流洶湧夏秋暴漲則逆泛洞庭瀟湘清流頓皆混

濁岳人謂

歌聞枉渚遭

九歌朝發枉渚兮夕宿辰陽潛
確類書枉渚在常德府城南亦

名蒼溪陸雲詩通波激枉渚又弭楫薄枉渚

舞見長沙

謝靈運賦發青田之枉渚逗白岸之空亭

促一統志岳州秦長沙地劉宋立巴陵郡隋改曰岳州
今又有長沙府漢書長沙定王傳王毋微無寵故王

卑濕小國注景帝後二年諸王來朝有詔更前稱壽歌

舞定王但張袖小舉手左右笑其拙上怪問之對曰臣

國小地狹

心遠居無陋

陶潛詩心遠地自偏

神和生自足

文子至于神和

不足回旋遊于心手之間放意寫神論辨而形于絃此不傳之道

也呂氏春秋天全則神和矣申鑒君子本神為貴神和

德平而道通
是為保真

白髮悲上春

白帖正月曰上春建寅之月相東王詩空爽上春期知

常謝先欲

汲冢周書五德既明民乃知常道德經夫物芸芸各歸其根歸根曰靜靜曰復命復命曰

常知常曰明不知常妄作凶知常容容乃公公乃王王乃天天乃道道乃久沒身不殆又知和曰常知常曰明又欲先民必以身後之

崔湜

字澄瀾定州人擢進士第累轉左補闕預脩三教珠英附武三思上官昭容由考功員外

郎驟遷中書舍人兵部侍郎俄拜中書侍郎檢校吏部侍郎同中書門下平章事為御史劾奏貶江州司馬安樂公主從中申護改襄州刺史韋氏稱制復同中書門下三品睿宗立出為華州刺史除太子詹事景雲中太平公主引為中書令明皇立流嶺外以常預逆謀追及荊州賜

死湜執政時年三十八常暮出端門緩轡賦詩
張說見之歎曰文與位固可致年不可及也

冀北春望

左傳冀之北
土馬之所生

回首覽燕趙

史記春申君傳說秦昭王曰大王之地一
經兩海要約天下是燕趙無齊楚齊楚無

燕趙也左思魏都賦
開胃殷衛跨躡燕趙

春生兩河間

爾雅兩河間曰冀州
注自東河至西河

曠然萬里餘際海不見山

江淹四時賦平蕪
際海千里飛鳥

雨歇青林

潤

揚雄羽獵賦繽紛往來輻輳不絕若光若滅者布
於青林之下庾信詩白石仙人茅青林處士松

煙

空綠野閒

謝靈運詩春深綠
野秀巖高白雲屯

問鄉何處所

史記晉世家
介子推從者

懸書國門曰龍欲上天五蛇為輔龍已升雲四蛇各入
其宇一蛇獨怨終不見處所何遜詩出國乃參差會歸

所同處

目斷白雲還

張九齡

字子壽韶州曲江人七歲知屬文擢進士第始調校書郎以道侔伊呂科為左拾遺

進中書舍人出為冀州刺史以母不肯去鄉里表換洪州都督徙桂州兼嶺南按察選補使以張說薦為集賢院學士俄拜中書侍郎同平章事遷中書令為李林甫所改尚書右丞貶荊州刺史
謚文獻

晨出郡舍林下

晨興步北林

陶潛詩晨興理荒穢詩鬱彼北林陶潛詩北林榮且豐

蕭散一開襟

殷仲文詩直置忘所宰蕭散得遺慮謝朓詩乘此終蕭散垂竿深澗底潘岳西征賦開襟乎清暑之館陶潛詩

田廳開
我襟

復見林上月娟娟猶未沉

鮑照詩未映東北

片

雲自孤遠

梁簡文帝浮雲詩可憐片雲生暫合復還輕
陶潛詩孤雲獨無依沈約詩時雲靄空遠

叢篠亦清深

廣韻篠細竹也漢書嚴助傳
行數百千里夾以深林叢竹

無事由來貴

道德指歸論盛德
之人無為無事

方知物外心

張衡歸田賦苟縱心於
物外安知榮辱之所如

入廬山觀瀑布泉

周景式廬山記匡俗周威王
時生而神靈廬於此山世稱

廬君故山取號焉一統志廬山在南康府西
北二十里古名南障疊嶂九層崇巖萬仞周
五百餘里實南方巨鎮也廬山記開先禪院
舊傳昭明太子之居山南山北有瀑布無慮
十餘處西入康王谷為
水簾東為開先之瀑布

絕頂有懸泉

廬山記水源山頂人未有窮者應貞賦高溜承崖懸泉屬嶺陸機漏刻賦激懸泉以

遠射跨飛

喧喧出烟杪

岑之敬詩喧喧洛水濱支曇諦

途而遙集

廬山賦香爐吐雲以像煙甘泉

湧雷而

不知幾時歲但見無昏曉

曹毗文大人達觀任

先潤

閃閃青巖落

世說裴令公有儒容姿雙眸閃閃若

涼昏

巖鮮鮮白日皎

易林不風不雨白日皎皎廬山記廬山

側

甚高峻每雨其下成潦而上猶皎日

洒流濕竹雲

孔靈符會稽記飛流洒散冬夏不竭梁簡

瀑水懸流雜

天河而俱洒列子秦青善歌能使聲

振林木響遏行雲陶潛閒情賦行雲逝而無語

濺沫

驚飛鳥

名山記入峽千餘丈有兩瀑布相對飛下嵌根有盤石承之激為飛雨濺沫薛道衡入柳江詩

跳波鳴石磧，濺沫擁沙洲。
陶潛詩：山氣日夕佳，飛鳥相與還。
丘遲詩：巢空數鳥飛。

雷吼何噴薄

郭璞《江賦》：湓流雷响而電激，南史：任昉傳：雲飛雷薄，顯棟華之微。古左思《吳都賦》：漬薄沸騰，注水相激，蕩曰漬。

薄江賦：協靈通。

箭馳入窈窕

慎子：河下龍門，流駛竹箭，駟馬追之不及。王珣《虎丘山記》：交林上合蹊路，下通升降，窈窕幽岫，窈窕。

亦不粹至江賦：潛達傍通幽岫，窈窕。

昔聞山下蒙

易山

泉蒙君子以

今乃林巒表

孔稚圭《北山移文》：望林巒而果行育德。

即瀑布也。水出山腹，挂流三

物情有詭激

後漢書：周澤傳：澤為太常

四，百丈飛湍，林表望若懸素。

坤元曷紛矯

易：至哉坤元，萬物資始。

默然置此

廟當世疑其詭激。

去變化誰能了

易：乾道變化，高唐賦：須臾之間，變化無窮。郭璞詩：淮海變微禽，我生獨不化。

西山祈雨是日輒應賦詩言志

本集洪州西山一統志西山在

南昌府城西大江之外
三十里一名南昌山

茲山蘊靈異

宋書孝武帝紀霍山是曰南嶽實惟國鎮
韞靈呈瑞沈約上舊宮表韞靈千古合祥

百代晉書千寶傳寶撰集古今神祇靈異人物變化名

為搜神記虞羲巫山高曲南國多奇山荆巫獨靈異范

雲詩岱山饒靈走望良有歸書望于山川注九州名山

異沂水富英奇大川五岳四瀆之屬皆一

時望祭之春秋四卜郊不從猶三望公羊傳三望者何

望祭也然則曷祭祭泰山河海疏鄭玄謂淮海岱也禮

記柴而望祀山川左傳並走羣丘禱亦已久論語丘之

望注望祀山川皆走往祈禱

地殘氓東都遺老翹心仁政延首王風謝

眊心難重違廣韻氓莫耕切民也眊同齊書王融傳北

承後漢書楊賜讓還
侯爵朝廷重違其志

遲明申藻薦

漢書高帝紀於是沛
公乃夜引軍從他道

還偃旗幟遲明圍宛城三匝注言圍城事畢然後天明

明遲于事故曰遲明變為去聲音丈二反左傳澗溪沼

沚之毛蘋蘩蒹藻之采筐筥錡釜之器潢汙行潦之水

可薦于鬼神可羞于王公陳書蕭允傳鄱陽王出鎮會

稽允為長史帶會稽郡丞行經延陵季子

廟設蘋藻之薦託異代之交為詩以叙意

先夕旅巖扉

禹貢蔡蒙旅平

獨宿雲峯下

詩敦彼獨宿亦在車下劉
向九歎旦徘徊于長坂兮

注祭山曰旅

夕傍徨而獨宿鮑照詩愁來攢人懷窮心苦獨宿江淹

詩平明登雲峯杳與廬霍絕江總詩聊承丹桂馥遠視

白雲

蕭條人吏稀

楚辭山蕭條而無獸
兮野寂寞而無人

我來不外適

詩

來自東零

幽抱自中微

魏略欲知幽微莫若易人倫之
紀莫若禮多識山川草木之名莫

雨其濛

若詩江淹詩精銜銜木石誰能測幽微

靜入風泉奏

水經

高允答宋欽書執玩反覆銘于心抱

注風泉傳響于青林之下巖猿流聲于白雲之上王融

深水曲日霽沙澈明風泉動華燭王中頭陀寺碑文巖谷

共清風泉相渙庾信終南山

義谷銘松桂危懸風泉虛韻

涼生松栢圍

廣韻栢古活

切同檜木名栢葉松身會稽記會稽境特多名

窮年滯

遠想

莊子和之以天倪因之以曼衍所以窮年也郭璞

江賦傲自足于一嘔尋風波以窮年世說謝安嘗

與王羲之登冶城悠

寸晷閑清暉

漢書李尋傳夫日者

然遠想有高世之志

萬里同晷人君之表也廣韻晷居消切日影也潘尼詩

暉願延之擇真會詩

虛美悵無屬

素情

清暉在天容先必照

魏志荀彧傳推

誠心不為虛美

緘所依

沈約陽春曲楊柳垂地燕差池緘情忍思落

詭

隨嫌弱操

詩無縱詭隨以謹無良疏

羈束謝貞肥

後漢書張

升傳升少好學多閱覽而任情不羈注不羈謂超絕等

倫不可羈束也張協詩述職投邊城羈束戎旅間易遊

身小利貞又上九肥遯无不利蜀志燕周傳注桓溫薦

譙秀表曰巴西燕秀植操貞固抱德肥遯揚清渭波

義濟亦吾道

晉書齊獻王攸傳昔在周成旦與作傳外

則自然荀子天下為一諸侯為臣通達之屬莫不從服

無他故焉以濟義矣又以國齊義一日而白湯武是也

注齊當為濟史記孔子世家詩云

匪兇匪虎率彼曠野吾道非耶

誠存為物祈

易閑邪

陶潛賦坦萬慮以存誠憩遥情于八極

禮記以為民祈福又祭有所焉有報焉

靈心歛以應

參同

契神明或告人兮心靈乍自悟梁武帝詩蘭湯浴身垢
 懺悔淨心靈王延壽魯靈光殿賦歌歎幽藹雲覆靈霽
 洞杳冥兮廣韻歎許勿切暴起也後漢書馬融傳雨露
 時澍祥應時至願延之曲水詩序晷緯昭應山瀆效靈
 甘液幸而飛

繁欽硯替漸漬甘液吸受流芳謝朓樂歌凍雨飛祥雲靡

閉閣且無責

漢書韓延壽傳高陵民有昆弟訟田延壽大傷之移病
 不聽事入卧傳舍閉閣思過于是訟者深自悔願以田
 相移不敢復爭延壽大喜開閣延見又嚴延年傳延年
 母從東海來到洛陽遠見報囚母大驚便止都亭不肯
 入府延年出至都亭謁母母閉閣不見延年免冠頓首
 閣下後漢書吳祐傳祐為太守政惟仁簡以身率物民
 有爭訟者輒閉閣自責然後斷其訟以
 道譬之孟子人之易其言也無責耳矣
 隨軒安敢希
 後漢書鄭弘遷淮陽太守消息黜賦政不煩苛行
 春大旱隨車致雨庾信文祥雲入境行雨隨車
 多慙

承謝

德不感

隋書秦孝王俊傳伐陳之役以為山南道行軍元帥謂使者曰謬當推轂愧無尺寸之功以此

多慙耳後漢書劉瑜傳

知復是耶非

漢武帝歌是耶非耶立而望之翻何

珊珊其

來遲

巡按自瀰水南行

唐書百官志監察御史十五人掌分察百僚巡按州縣獄

議軍戎祭祀營作太府出納皆涖焉水經瀰水出陽海山注瀰水與湘水出一山而分源

也南與瀰水合

出邵陵縣界

理棹雖云遠

謝靈運之郡詩述職期闌暑理棹變金素詩道之云遠曷云能來

飲水寧

有惜

莊子葉公曰吾愛無欲清之人今吾朝受命而夕飲水吾其內熱歟

况乃佳山川

書望

于山

怡然傲潭石

史記孔子世家有所穆然深思焉有
所怡然高望而遠志焉陶潛桃花源

記黃髮垂髫

奇峯岌前轉

水經注方嶺雲
回奇峯霞舉

茂樹隈中積

並怡然自樂

戰國策黃雀因是以俯囑白粒仰棲茂樹後漢

書班固傳甘露宵零于豐草三芝軒翥于茂樹

猿鳥聲

自呼

王融巫山高曲烟雲
乍卷舒猿鳥聲斷續

風泉氣相激

水經注風泉傳
響于青林之下

巖狹流聲于白雲之上張衡西京

賦伏檻檻而俯聽聞雷霆之相激

目因詭容逆心與清

暉滌

謝靈運詩昏旦變
氣候山水含清暉

紛吾謬執簡

離騷紛吾既有此
內美兮又重之以

脩能注紛盛貌左傳南史氏執簡以往初學記顏延之

為御史中丞何尚之與延之書曰絳騶清路白簡深効

取之仲容

行郡將移檄

後漢書岑彭傳遣偏將軍屈充
移檄江南班行詔命文心雕龍

或有虧耶

相如之難蜀父老文曉而喻博有移檄之實

即事聊獨歡

列子鄭之役夫晝則呻吟而即事夜

則昏憊而熟寐何遜詩日

素懷豈兼適悠悠詠靡監

詩王

長禁戶倦即事思短晨

事靡監傳監不堅固也射靈

庶以窮日夕

劉楨贈五官中郎將詩清

運撰征賦靡監頓於征人

談同日夕情盼叙殷勤

洪子輿

睿宗時官侍御史姜晦時為中丞諷劾韋安石子輿不從

嚴陵祠

後漢書逯氏傳嚴光少有高名與光武同遊學及光武即位光乃變姓名隱身

不見帝令以物色訪之齊國上言有一男子

披羊裘釣大澤中帝疑為光乃備安車遣使

聘之三返而後至除為諫議大夫不屈乃耕

於富春山通志子陵祠在浙江嚴州府桐廬

縣富春

山下

卷二

漢主名子陵歸宿洛陽殿

詩公歸不復於女信宿元和志建武元年入洛陽遂定都

馬洛陽宮北據卬山南直伊闕之口洛水貫都有河漢之象逆民傳光至車駕即日幸其館復引入論道舊故

因共偃卧光以足加帝腹上明日太史奏客星犯帝座甚急帝笑曰朕故人嚴子陵共卧耳

客星今

安在

漢志周伯老子王蓬絮國王溫星皆客星也史記項羽紀沛公安在阮籍詠懷詩簫管有遺音梁王

安在

記纂淵海富春山是子陵隱處駱賓王宴序擬迹小山陶心大隱漢書郊

哉

隱跡猶可見

王宴序擬迹小山陶心大隱漢書郊

祀志公孫卿曰仙人可見楚辭遠遊時髣髴以遙見兮精皎皎以往來

水石空潺湲

水經注自

桐廬縣至於潛凡十有六瀨第二是嚴陵瀨瀨帶山山下有石室漢光武帝時嚴子陵之所居也故山及瀨皆

即人姓名之山下有盤石周迴十數丈交枕潭際蓋陵
所游也枚乘七發淝汨潺湲披揚流灑謝靈運七里瀨

詩石淺水潺湲
日落山照曜

松篁尚葱蒨

詩如竹苞矣如松茂矣水
經注襄陽侯習郁依范蠡

養魚法作大陂池列植松篁於池側徐陵與李邢書山

澤庵霽松竹叅差左思詩峭蒨青葱間竹柏得其真江

淹敷顏延之侍宴詩青

岸深翠陰合

水經注函谷關遠
岸天高空谷幽深

林結冥濛丹巘被葱蒨

記纂淵海交岸是錦峯繡嶺謝靈運賦沈分湘

川迥白

岸延情蒼陰江淹詩再逢綠草合重見翠雲生

雲徧

周禮職方揚州其川三江水經注韋昭曰松江浙
江浦陽江也王粲登樓賦路逶迤而脩迥兮川既

漾而濟深記纂淵海唐方干隱釣臺東白雲源謝靈運

詩春晚綠野秀巖高白雲屯陶弘景答梁武帝問山中

何所有嶺上多白雲沈約早發定

幽徑滋蕪沒

水經注
山徑委

山詩標峯綵虹外置嶺白雲間

深王績黃頰山詩野心長寂寞山徑本幽迴梁
宣帝七山寺賦踐達草之蕪沒撥蓁苒之彌蒙荒祠幕

霜霰

庾信張良贊穀城餘石還歸舊祠元苞經座幕于
嚴又否霧霽霽詩白露為霜又如彼雨雪先集維

霰鮑照疏煦蒸

垂釣想遺芳

記纂淵海桐廬縣本漢富
春地有釣臺為子陵坐釣

霜霰萼甲雲露

之所下瞰嚴陵瀨上接七里灘潘岳間居賦池沼足以

漁釣春稅足以代耕謝靈運詩目覩嚴子瀨想屬任公

釣陶淵明集序莊周垂釣于濠伯成躬耕於野晉書儒

林傳餘芳遺烈煥乎可紀張華詩誰與翫遺芳佇立獨

咨掇蘋羞野薦

詩于以采蘋南澗之濱又薄言掇之注
掇拾也禮記俎豆牲醴薦羞皆有等差

左傳澗谿沼沚之毛蘋蘩蕓藻

之菜可薦於鬼神可羞於王公高風激終古

逸民傳同
抗高尚之

風則宜橋俗蜀志卻正傳雲合霧集風激電飛周禮則

于馬終古登陬也注齊人之言終古猶言常也晉書陸

機陸雲傳贊文藻宏麗獨步當時言論慷慨冠乎終古

語理忘榮賤

晉書范汪傳博學多通善

談名理運社高賢傳周續之曰情致兩忘者市朝亦巖穴耳梁書伏挺傳物我兼忘寵辱誰滯

方驗道

可尊

文心雕龍標著龜于前驗西京雜記夫人無幽顯道在則為尊

山林情不變

周禮職方

大司徒辨其山林之名物逸民傳贊江海冥滅山林長往張華詩隱士托山林邀世以保真孔稚圭北山移文形馳魄散志變神動嵇康養生論守常而不變

陳子昂

子昂字伯玉梓州射洪人初舉進士入京不為人知有賣胡琴者價百萬子昂顧左

右輦千緡市之衆驚問子昂曰予善此曰可得聞乎曰明日可入宣陽里如期偕往則酒筍畢具奏琴語曰蜀人陳子昂有文百軸不為時人知此賤工之伎豈宜留心舉而碎之以其文百

軸徧贈會者一日之內名滿都下擢進士第武
后朝為靈臺正字數上書言事右拾遺武攸宜
北討表為管記軍中文翰皆委之為段簡所中
卒于獄唐興文章承徐庾餘風子昂橫制顏波
始歸雅正李杜
以下咸推宗之

酬暉上人夏日林泉

要覽瓶沙王呼佛弟子為上人內有德智外有勝行

在人之上故名上人

聞道白雲居窈窕青蓮字

兩雅窈窕間也注窈窕間隙郭璞江賦潛達旁通幽岫窈窕

謝靈運山居賦濤潭澗而窈窕除荇洲之紆餘楞嚴經縱觀如來青蓮花眼神僧傳佛圖澄西域人策杖見石勒勒曰佛道有何靈驗澄曰至道雖遠亦可以近事為證即取器盛水燒香呪之須臾生青蓮花勒由此信服

巖泉萬丈流

周明帝詩巖松千仞直巖泉百丈飛丘遲

樹

石千年古林卧對軒窓山陰滿庭戶

張華詩俠客愛幽險築室窮山陰陸

機詩彷彿谷水

方釋塵事勞

陶潛詩閒居三十載遂與塵事冥

從君襲

陽婉孌崑山陰

蘭杜

楚辭綴秋蘭以為佩又采芳洲兮杜若又繚之兮杜蘅注杜蘅香草也江孝嗣詩石泉行可照蘭杜

向含風吳均詩願君

嗣蘭杜時采東臯薇

脩竹篇與東方左史虬

禮記動則左史書之晉書職官志著作郎周左

史之任也

龍種生南嶺

後漢書費長房傳長房辭歸翁與一竹杖曰騎之任所之則自至矣既至可以杖投

葛陂中也長房乘杖須臾來歸即以杖投陂顧視則龍也馬融長笛賦龍鳴水中不見已截竹吹之聲相似又

惟籀龍之奇生兮于終南之陰崖

徐摛冬

陶潛詩延目識南嶺空嘆將焉如

焦卷心

賦投殘心于孤翠植晚玩于冬餘張衡

峯嶺上崇萃

薛道

西京賦干雲霧而上達狀亭亭以苕苕

衡詩峰嶺既崔嵬林叢亦青翠沈約郊

煙雨下微冥

屈原

居賦其為狀也則巍峩崇萃喬枝拂日

九歌杳冥冥兮羌晝晦東風飄兮神靈雨江

夜聞鼯鼠

淹騷體林中電兮雨冥冥江上風兮木颯颯

叫

爾雅注鼯鼠狀如小狐似蝙蝠肉翅飛且乳亦謂之

不能窮木能浮不能渡谷能穴不能掩身能走

晝聒泉

不能先人馬融長笛賦援雌畫吟鼯鼠夜叫

壑聲

江淹永連頌迸采

春風正澹蕩

枚乘七發湍流

白

露已清冷

王褒洞簫賦朝露清冷而墮其側兮玉液浸潤而承其根

哀響激金奏

抱朴

子澤陽孤桐不能無絃而激哀響陸雲詩華容溢藻幄哀響入雲漢左傳金奏肆夏之三拾遺記蓬萊山有浮筠之簫風吹竹折聲如鐘磬之音

密色滋玉英

孝經援神契神靈滋液則有玉英九章登崑崙

兮食玉英梁簡文帝鏡

歲寒霜雪苦

領野王佛崖藤賦陪嘉宴于秋夕等

銘金精玉英冰輝沼清

貞節之歲寒左思吳都賦竹則苞筍

含彩獨青青

王儉竹賦

抽節往往縈結綠葉翠莖冒霜停雪翠葉與飛雪爭采貞柯與層冰競鮮

竹賦豈

華于石岸絕夏彩于沙汀詩瞻彼淇澳綠竹青青

不厭凝冽羞比春木榮

陶潛歸去來辭木欣欣以向榮

春木有盈歇

鮑照

樂府年貌不可留身意會盈歇

此節無凋零

劉勰新論暄然而春榮華者不謝凄然而秋凋零者

不憾始願與金石終古保堅貞

周禮輪人輪已庠則於馬終古登池也注齊人之言

終古猶言常也離騷懷朕情而不發兮余馬能忍與此終古三法真羅山記嶺南道無筍竹惟此山有之其大

尺圍細者色如黃金堅貞踈節虞義竹詩挺此堅貞性來樹朝夕池不意伶倫子吹之學

鳳鳴

漢書律歷志黃帝使伶倫自大夏之西昆侖之陰取竹之解谷生其竅厚均者斷兩節間而吹之以

為黃鍾之宮制十二簫以聽鳳之鳴其雄鳴為六鵠鳴亦六拾遺記本華山有篋竹為簫管吹之若羣鳳之鳴

遂偶雲和瑟

周禮大司樂雲和之琴瑟注雲和山名漢武內傳王母命侍女董雙成鼓雲和之笙

何承天答書雲和六變實降天神

張樂奏天庭

莊子黃帝張咸池之樂于洞庭之野晉書陸雲

傳廣樂九奏必登昊天之神庭孫楚節賦順谷風以撫節飄逸響乎天庭

妙曲方千變

魏文市詩

清歌發妙曲樂正奏笙竽司馬簫韶已九成書簫韶九成鳳皇來

彪詩焉得成琴瑟何由揚妙曲

儀信蒙雕斲美北史周武帝紀詔曰常願事仙靈晉書劉麟

之傳嘗採藥至衡山見澗水南有二石圀一圀閉一圀

開水深廣不得過還家或說圀中皆仙靈方藥諸藥物

麟之欲更尋索終不復知處也鮑照詩從師入遠岳結

友事仙靈江淹登香爐峰詩此山具鸞鶴往來盡仙靈

驅馳翠虬駕揚雄解嘲獨不見夫翠虬之將登乎天必聳身于蒼梧之淵陸雲九愍垂結雲之翠

虬駕琬琰說文笙十三簧象鳳之聲潘岳

之玉輿伊鬱紫鸞笙笙賦寫皇翼以挿羽慕鸞音以

屬結交羸臺女蘇武詩骨肉緣枝葉結交亦相因列仙傳蕭史者秦穆公時人善吹簫能致孔

聲崔白鶴穆公女弄玉好之公妻焉乃教弄玉作鳳臺一

旦夫妻隨鳳飛去王融詩命駕瑤池隈過息羸女臺

吟弄昇天行

樂府題辭升天行曹植云日月何時留鮑照云家世宅闕輔

攜手登白

日詩惠而好我

遠遊戲赤城

楚辭悲時俗之迫阨兮願輕舉而遠遊曹植樂府遠

攜手同行

遊臨四海俯仰觀洪波會稽記赤城山名色皆赤狀如

雲霞天台圖曰赤城天台之南門也孫綽遊天台山賦

赤城霞起以建標庚

低昂玄鶴舞

漢書楊惲傳奮袖低昂頓足起舞晉白紵

信詩千燈照赤城

歌凝停善疎容儀光

斷續綵雲生

河圖崑崙山有五色雲氣

永願隨

宛若龍轉乍低昂

衆仙

曹植詩乘風忽登舉彷彿見衆仙庚信徵調曲衆仙就朝于瑤水羣帝受享于明庭

三山遊

玉京

史記封禪書蓬萊方丈瀛洲三神山在渤海中未至望之如雲及到三神山反居水下臨之風輒引

去終莫能至云靈樞內經下離塵境上界玉京元君太

霄隱書無上大道君治無極大羅天中玉京之上七寶

元臺金
牀玉几

御選唐詩卷二



總校官庶吉士臣張能照

校對官檢討臣郭寅

膳錄舉人臣何思鈞